

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Paasissutissiissutit

- Imm. 04** Sisimiuni qilalukkanik qaqortanik 1.7.2008-miit 30.6.2009-mut pisassiissutit pillugit paasissutissiissut.
- Imm. 05** Maniitsumi qilalukkanik qaqortanik 1.7.2008-miit 30.6.2009-mut pisassiissutit pillugit paasissutissiissut.
- Imm. 06** Tikaagulliit piniarfimmi Sisimiuni 2009-mi qoorortuumik pisassatut pisassiissutaa-sut agguaaneri pillugit paasissutissiissut.
- Imm. 07** Ataatsimoorluni tikaagullinniarnermi Maniitsumi 1.4.2009-miit 31.12.2009-mut pisassiissutit agguanneqarnerat pillugu paasissutissiissut.
- Imm. 08** Maniitsoq Fiskeindustri-mi kommunip aktiat pigisat akiliutitaqanngitsumik Greenland Venture-mut tunniunnissaat pillugu paasissutissiissut.
- Imm. 09** Maniitsumi Piareersarfimmi august- december 2008 ingerlatat pillugit nalunaaru-siaq pillugut paasissutissiissut.

Aningaasaqarnermut tunngasut

- Imm. 10** 2009-imi qaammatini pingasuni aningaasaqarnermut nalunaarusiaq.
- Imm. 11** Maniitsup Kommuneani 2008-mut ukiumoortumik nalunaarut.
- Imm. 12** Sisimiut Kommuneani 2008-mut ukiumoortumik nalunaarut.
- Imm. 13** 2010-mut missingersuutinut 2011-miillu 2013-imut ukiuni missiliuuteqarfiusunut missingersuutitigut killiliussassatut siunnersuut.
- Imm. 14** Teknikkimut avatangiisinullu allatseqarfinni pisortat atorfiisa qaffanneqarnissaat.
- Imm. 15** Sanaartornermi aningaasat 2008-mi atunngitsuukkat 2009-mut nuutsinneqarnis-saat.

Suliassat nalinginnaasut

- Imm. 16** Qeqqata Kommuniani maleruagassat.
- Imm. 17** Aningaasanik nammineq atugassanngortitanik nunaqarfinni aqutsisut atuinis-saannik ilitsersuut.

- Imm. 18** Qeqqata Kommuniani taxanik ingerlatitsinermi kommunip ileqqoreqqusaa.
- Imm. 19** Qeqqata Kommuniani aningaasanik ikisilluni pinnguaatinut akuersissutinik tunniussisarnermi najoqqutassiat.
- Imm. 20** Tjenestemandit inatsisaata allanngortinnissaani tusarniutaanera.
- Imm. 21** Sisimiut Kommunianut kukkunersiuisut nalunaarutaat nr. 69.
- Imm. 22** Maniitsup Kommunianut kukkunersiuisut nalunaarutaat nr. 60.
- Imm. 23** Sanaqateqarluni illuliornissamut nammineq akiliutissamut attartornissamut periutsimik aalajangiineq.
- Imm. 24** Ilaqutariinnermut immikkoortortamiit Suliffissaqartitsiniarnermi allaffimmut/ Ilinniartitaanermut immikkoortortamut konto 38.02-mik nuussineq.
- Imm. 25** Oqaluuserisassatut siunnersuut – Qeqqata Kommuniani meeqqat akornanni qanoq kaattoqartiginerata nassuiarneqarnissaa aningaasartuutissallu ilanngullugit iliuusissamik suliaqartoqarnissaa.
- Imm. 26** Oqaluuserisassatut siunnersuut – Sisimiuni tuniniaaviup silaannarissarfilernissaa.
- Imm. 27** Oqaluuserisassatut siunnersuut – Sisimiut illoqarfianni aalisartut piniartullu pilat-tarfissaannik pilersitsinissaq.
- Imm. 28** Kommunalbestyrelsimi ilaasortat kommumilu sulisut pillugit apeqquteqaat.
- Imm. 29** Suliariumannittussarsiuussisarneq pillugu ataatsimiititaliamik pilersitsinissaq.
- Imm. 30** Tamalaat.

Ataatsimiinneq aallartippoq nal. 8.30

Peqataasut:

Atassut

Søren Alaufesen, Sisimiut
Godmand Rasmussen, Sisimiut
Bitten Heilmann, Maniitsoq

Demokraatit

Palle Christiansen, Sisimiut

Inuit Ataqtigiit

Katrine Larsen Lennert, Sisimiut
Agathe Fontain, Sisimiut
Mimi Karlsen, Maniitsoq
Beathe Poulsen, Atammik

Siumut

Hermann Berthelsen, Sisimiut
Karl Lyberth, Maniitsoq
Evelyn Frederiksen, Sisimiut
Alfred Olsen, Sisimiut
Efraim Olsen, Kangaamiut
Lars Frederik Lundblad, Sisimiut - Hans Frederik Olsen, Sisimiut taarserlugu

Nalunaaruteqarlutik peqataanningsut:

Hans Frederik Olsen (S)
Morten Siegstad (S)
Pavia Petersen, Maniitsoq - Morten Siegstad, Sisimiut taarserlugu peqataasussaagaluq

Nalunaaruteqaratik peqataanningsut

Imm. 01 Oqaluserisassat akuersissutigineri

Aalajangiineq

Nunaqarfinnut aqutsisunut qinersineq borgmesterip nalunaarutaanut qinigaasut nalunaarutigineqarneri ilanngunneqarput.

Søren Alaufesen imm. 24-imut peqataasinnaanani nalunaarpoq.

Bitten Heilmann imm. 24-imut peqataasinnaanani nalunaarpoq.

Akuersissutigineqarput.

Imm. 02 Borgmesterip nalunaarutaa

Aalajangiineq

Nunaqarfinni aqutsisunut qinersinerup inernerigallagaa nalunaarutigineqarpoq.

Oqaaserineqartut ilanngullugit tusaatissatut tiguneqarpoq.

Imm. 03 Ataatsimiititaliani siulittaasut nalunaarutaat

Aalajangiineq

Oqaaserineqartut ilanngullugit tusaatissatut tiguneqarput.

**Imm. 04 Sisimiuni qilalukkanik qaqortanik 1.7.2008-miit 30.6.2009-mut pisassiissutit pillu-
git paasissutissiissut**

Journal nr. 72.01.01.01

Tunuliaqutaq

Aalisarnermut, Piniarnermut Nunalerinermullu Aqutsisoqarfimmiit Maniitsumut qilalukkanik qaqortanik agguasseqqinneq pillugu 26.2.2009-mi E-mail-ikkut nalunaarutigineqartut.

SAPP-p inuutissarsiutigalugu piniartuinnarnut pisassiissuteqarnissaq pillugu borgmesterimut 27.2.3009 allagaa.

Maleruagassatigut tunngavissaq

Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarut nr. 2 februaarip 12-ni 2004-meersoq.

Pissutsit atuuttut

Aalisarnermut, Piniarnermut Nunalerinermullu Naalakkersuisunut ilaasortap Sisimiuni pisassiissutinit pingasunik peersinissamik aalajangiinera.

Aningaasaqarnikkut allaffissornikkullu kingunerisinnaasai

Qaqortanik qilalugarniarneq piniartunut saniatigooralugu isertitaqarfiulluartarpoq.

Allaffeqarfiup naliliinera

Pisumi susassaqaqtut tusarniaaffiginerini umiatsiaararsortut peqatigiiffiani ilaasortat taamatullu aalisartut piniartullu peqatigiiffiata qilalukkat pisassiissutit sinneri aqqanillit inuutissarsiutigalugu piniartunuinnaq pisassiissutigineqassasut siunnersuutigivaat. Tusarniuteqarnermi Sarfannguani Itillimilu aalisartut piniartullu peqatigiiffiiniit oqaaseqaatinik tigusaqartoqanngilaq.

Sunngiffimmi pinialuttartut peqatigiiffiata sunngiffimmi pinialuttartunut ataatsimik paggatassiis-
teqartoqarnissaa siunnersuutigivaat, pisassiissutissat inuutissarsiutigalugu sunngiffimmilu pinialut-
tartutut allagartalinnut pisassiissutaassanngippata.

Aalisarnermik piniarnermillu siunnersortip innersuussutaa

inuutissarsiutigalugu piniartutut allagartallit qilalukkanik qaqortanik qulingiliuanik paggatassanik
pisassiissuteqarfigineqassasut, sunngiffimmilu pinialuttartutut allagartallit paggatassanik qilalukkanik
marlunnik pisassiissuteqarfigineqarlutik.

Kommunimi pisortaanerup suliamik suliaqarnera

Kommunimi pisortaanerup aalisarnermik piniarnermillu siunnersortip innersuussutaa akuersaarpa,
siunnersuullu borgmesterimut ingerlateqqillugu.

***Kommunalbestyrelsip apriiip 29-ani 2009-mi ileqquusumik ataatsimiinnerata 02/2009-p
imaqarniliornera***

Borgmesterip aalajangiinera

Borgmesteri kommunalbestyrelsi sinnerlugu marsip 17-ani 2009-mi aalajangiivoq, 1.7.2008-imiit 30.6.2009-mut qilalukkanik qaortanik pisassiissutit sinneri aqqanillit tulliuttutut agguanneqassasut:

inuutissarsiutigalugu piniartutut allagartallit qilalukkanik qaortanik qulingiliuanik paggatassanik pisassiissuteqarfigineqassasut, sunngiffimmilu pinialuttartutut allagartallit paggatassanik qilalukkanik marlunnik pisassiissuteqarfigineqarlutik.

Tamatumunnga ilutigitillugu borgmesterip novembarip 24-ini 2008-mi aalajangiinera atorunnaar-sinneqarpoq, tassa 1.7.2008-miit 30.6.2009-mut qilalugartassiissutit 18-it inuutissarsiutigalugu pini-artunit kiisalu sunngiffimmi pinialuttartunit tamanut paggatassanngortinneqartut.

Kommunalbestyrelsi aalajangiinermik paasissutissinneqassaaq.

Innersuussut

Suliaq kommunalbestyrelsimut paasissutissiissutigineqarpoq.

Aalajangiineq

Paasissutissiineq tusaatissat tiguneqarpoq.

Ilanngussaq

Ilanngussaqanngilaq

Imm. 05 Maniitsumi qilalukkanik qaqortanik 1.7.2008-miit 30.6.2009-mut pisassiissutit pillugit paasissutissiissut

Journal nr. 72.01.01.01

Tunuliaqutaq

Qilalukkanik qaqortanik massakut pisassiisutinit, arfiniliusunit tallimat pisarineqareersimammata, qulinik pisasseqqittoqarnissaanik 09.02.2009-mi E-mail-ikkut Aalisarnermut, Piniarnermut Nunalerinermullu Aqutsisoqarfimmut qinnuteqartoqarpoq.

Aalisarnermut, Piniarnermut Nunalerinermullu Aqutsisoqarfimmiit Maniitsumut qilalukkanik qaqortanik arfineq-pingasunik agguasseqqinneq pillugu 25.2.2009-mi E-mail-ikkut nalunaarutigineqartut.

Maleruagassatigut tunngavissaq

Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarut nr. 2 februaarip 12-ni 2004-meersoq.

Pissutsit atuuttut

Ukiuumut pisassiiffiusumut 2008-2009-mut pisassiissutaasut 6-it februaarip 14-ni 2009-mi tamakerneqarmata, Maniitsumi inuussutissarsiutigalugu piniartut sinnerlugit Maniitsumi Inuussutissarsiornermut Siunnersuisoqatigiit qulinik pisassiissuteqartoqaqqinnissaa qinnuteqaatigivaat, tamatumani Maniitsumi inuutissarsiutigalugu piniartut tunitsiveqannginnerat tunngavilersuutigalugu. Maniitsoq Fiskeindustri A/S-ip Greenland Lipid Solutions A/S-illu tunitsivii tunitsivigineqarsinnaanngillat.

Aalisarnermut, Piniarnermut Nunalerinermullu Naalakkersuisunut ilaasortap februaarip 25-ni 2009-mi Maniitsumi qilalukkanik qaqortanik arfineq-pingasumik pisassiissuteqaqqinnera.

Maniitsumi Saniatigooralugu Pinaluttartut Peqatigiiffiat februaarip 11-ni 2009-mi allakkatigut qilalukkamik qaqortamik ataatsimik pisassinneqarnissamik qinnuteqaateqaateqarput.

Aningaasaqarnikkut allaffissornikkullu kingunerisinnaasai

Qaqortanik qilalugarniarneq piniartunut saniatigooralugu isertitaqarfiulluartarpoq.

Allaffeqarfiup naliliinera

Aalisarnermut, Piniarnermut Nunalerinermullu Naalakkersuisunut ilaasortap Maniitsumut pisassiissutisseeqinnermini Maniitsumi inuussutissarsiutigalugu piniartut Maniitsoq Fiskeindustri A/S-ip aamma Greenland Lipid Solutions A/S-ip tunitsiviit matoqqammata tunitsivissaqannginnerat pingaartillugu tunngavilersuutigivaa. Allaffeqarfik nalilivoq, qilalukkanik qaqortanik pisassiissuteqaqqinneq, Maniitsumi inuussutissarsiutigalugu piniartut inuussutissarsiornermi ajornartoorsuutaannik qaangiiniarnermut taamaallaat tunngatinneqartut.

Maniitsumi sunngiffimmi Pinaluttartut Peqatigiiffiata qinnuteqaataani illoqarfinni allani sunngiffimmi pinaluttartut pisassinneqarnerat tunngavilersuutigineqarpoq. Peqatigiiffiup pissusissamisoor-sorivaa, Maniitsumi sunngiffimmi pinaluttartut kommunip pisassiissuteqarfigeqqissappagit.

Maniitsumi, Kangaamiuni, Napasumi Atammimmilu aalisartut piniartullu peqatigiiffiisa tusarniaaffiginerini peqatigiiffiit siunnersuutigivaat, qilalukkanik qaqortanik pisassiissutit 8-it inuutissarsiutigalugu piniartunuinnaq pisassiissutigineqassasut.

Qilalukkanik qaortanik qernertanillu illersuineq piniarnerlu pillugit Namminersornerullutik Oqartussat nalunaarutaanni § 5 malillugu Kommunalbestyrelsip nunaqarfimmi aqutsisut, sumiiffimmi aalisartut piniartullu peqatigiiffiat kiisalu sumiiffimmi sunngiffimmi pinaluttartut peqatigiiffiat isumasioqatigereerlugit kommunimi qilalukkanik qaortanik qernertanillu pisassiissutit inuussutissarsiu-
siutigalugu piniartunut, immaqalu sunngiffimmi piniartartunut, agguaanneqarnissaannut piumasaqaatinik aalajangersaasinnaavoq.

Aalisarnermik piniarnermillu siunnersortip innersuussutaa

Innersuussut 1.

Qilalukkanik qaortanik pisassiissutit 8-it inuutissarsiu-
siutigalugu piniartunuinnaq pisassiissu-tigine-
qassasut.

Innersuussut 2. (periarfissaasinnaasutut)

Qilalukkanik qaortanik pisassiissuteqaatigeqqitat arfineq pingasut inuussutissarsiu-
siutigalugu piniar-
nermik allagartalinnut paggatassatut pisassiissutigineqassasut. Pisassiissutinit taakkunanga sunngiffimmi pinaluttartut (sunngiffimmi piniarnermut allagartallit) qilalukkamik qaortamik ataatsimik paggatassamik pisaqarsinnaanissamut periarfissineqassapput, tassa qaortat arfineq pingasut Maniitsumut pisassiissutigeqqitat nungunnginneranni. Taama sunngiffimmi pinaluttartunut pisassiissuteqaraluarpalluunniit, inuussutissarsiu-
siutigalugu piniartut qilalukkat arfineq-pingasut pisassiissutaaqqittut tamakkersinnaavaat.

Kommunimi pisortaanerup suliamik suliaqarnera

Innersuussut 1, qilalukkanik qaortanik pisassiissuteqaatigeqqitat arfineq pingasut Maniitsup Kommunerisimasaani inuussutissarsiu-
siutigalugu piniarnermik allagartalinnut paggatassatut pisassiis-
sutigineqarnissaat akuereqqullugu innersuussutigineqassaaq, tassa Aalisarnermut, Piniarnermut Nunalerinermullu Naalakkersuisunut ilaasortap pisassiissuteqaqqinnissamik nalilinermini, inu-
sutissarsiu-
siutigalugu piniarnermik allagartallit tunitsivissaqannginnerat pingaartimmagu.

Borgmesterip aalajangiinera

Innersuussutigineqartoq akuersissutigineqarpoq marsip 24-ani 2009-mi.

Innersuussut

Suliaq kommunalbestyrelsimut paasissutissiissutigineqarpoq.

Aalajangiineq

Paasissutissiissut tusaatissatut tiguneqarpoq.

Ilanngussaq

Ilanngussaqanngilaq

**Imm. 06 Tikaagullit piniarfimmi Sisimiuni 2009-mi qoorortuumik pisassatut pisassiissutaa-
sut agguaanneri pillugit paasissutissiissut**

Journal nr. 72.01.01.01

Tunuliaqutaq

Aalisarnermut, Piniarnermut Nunalerinermullu Aqutsisoqarfiup apriliip 6-ani 2009-mi e-mail-ikkut arfernik qamutilimmik qoorortuumillu pisassiissutissatut siunnersuut nassiuppaa.

Siunnersuutip akuersissutaanera apriliip 16-ani 2009-mi Aalisarnermut, Piniarnermut Nunaleriner-
mullu Aqutsisoqarfiup oqarasuaatikkut uppernarsarpaa.

Maleruagassatigut tunngavissaq

Arfernik angisuunik piniarnek pilugu Namminersornerullutik Oqartussat nalunaarutaat 10, 13. april
2005-imeersoq.

Pissutsit atuuttut

Sineriak tamakkerlugu arfernik 160-inik angallatit qamutilillit pisassinneqarsimapput.

Sineriallu tamakkerlugu qoorortoq atorlugu 55-inik tikaagullittassiissoqarluni, taakkuninngalu 4-at
piniarfimmi Sisimiuni pisassiissutaallutik.

Aningaasaqarnikkut allaffissornikkullu kingunerisinnaasai

Immikkut oqaaseqaatitassaqaanngilaq.

Allaffeqarfiup naliliinera

Sisimiuni aalisartut piniartullu peqatigiiffiat, Sisimiuni umiatsiaararsortut peqatigiiffiat kiisalu
aalisartut piniartullu Itillimi Sarfannguanilu peqatigiiffii oqarasuaatikkut tusarniaaffigineqarput,
tamatumani peqtigiiffiit tamarmik ataatsimik pisassinneqarnissaat siunnersuutigalugu.

Peqataasunit tamanit agguataarinissamik siunnersuut akuersaarneqarpoq.

Aalisarnermut piniarnermullu siunnersortip innersuussutaa

Sapp akuersissummik ataatsimik tunineqassasoq,

Saapp akuersissummik ataatsimik tunineqassasoq,

Knapp Itilleq akuersissummik ataatsimik tunineqassasoq, taamatullu

Knapp Sarfannguit akuersissummik ataatsimik tunineqassasoq

Kommunimi pisortaanerup suliamik suliaqarnera

Kommunimi pisortaanerup aalisarnermut piniarnermullu siunnersortip innersuussutaa akuersaarppaa,
siunnersuullu borgmesterimut aalajangiiffigisassatut ingerlateqqillugu.

***Kommunalbestyrelsip apriliip 29-ani 2009-mi ileqquusumik ataatsimiinnerata 02/2009-p
imaqarniliornera***

Borgmesterip aalajangiinera

Kommunalbestyrelsi sinnerlugu borgmesteri apriliip 17-ani 2009-mi aalajangiivoq, tikaagullit 2009-mut pisassiissutit 4-sut tulluuttutut agguataarneqassasut:

- Sisimiuni Aalisartut Piniartullu Peqatigiit akuersissummik ataatsinmik tunineqassasut
- Sisimiuni Angallateerarsorlutik Aalisartut Piniartullu Peqatigiiffiat akuersissummik ataatsinmik tunineqassasoq
- Knapp Itilleq akuersissummik ataatsinmik tunineqassasoq, kiisalu
- Knapp Sarfannguit akuersissummik ataatsinmik tunineqassasoq

Kommunalbestyrelsi aalajangiinermik ilisimatinneqassaaq.

Innersuussut

Suliaq kommunalbestyrelsimut paasissutissiissutigineqarpoq.

Aalajangiineq

Paasissutissiissut tusaatissatut tiguneqarpoq.

Ilanngussa

Ilanngussaqaanngilaq

**Imm. 07 Ataatsimoorluni tikaagullinniarnermi Maniitsumi 1.4.2009-miit 31.12.2009-mut
pisassiisutit agguanneqarnerat pillugu paasissutissiisut**

Journal nr. 72.01.01.01

Tunuliaqutaq

Aalisarnermut, Piniarnermut Nunalerinermullu Aqutsisoqarfimmiit Arfernik angisuunik pisassiisutit pillugit 02.04.2009-mi E-mail-ikkut nalunaarutigineqar- toq.

Maleruagassatigut tunngavissaq

Arfernik angisuunik piniarneq pillugu Namminersornerullutik Oqartussat nalunaarutaat nr. 10, 13. april 2005-imeersoq.

Pissutsit atuuttut

Qamutilissorluni tikaagullittassat angallatinut piumasaqaatinut naammassinnittunut paggatassiisutiginerput.

Maniitsup kommunerisimasaanut tikaagulliit sisamat ataatsimimoorluni piniarneqartussat pisassiisutiginerput.

1990-ikkunnili Maniitsup kommunerisimasaani piniartut piniatigiinnik gruppenik pilersitsinikuupput tulleriiaaraluni aaqqissuineq malillugu ataatsimoorluni piniarnermi tikaagullinniarsinnaarnermut akuersissummik tunineqartatut.

Maniitsumi piniatigiit gruppet pingasuupput, Kangaamiuni pingasut, Napasumi ataaseq kiisalu Atammimi piniatigiit gruppet marluupput.

Pisassiisutit piffissami 2003-miit 2008 ilanngullugu agguanneqarsimaneri skema-mi ataani takuneqarsinnaapput:

| Maniitsaq | 2003 | 2004 | 2005 | 2006 | 2007 | 2008 |
|------------------|------|------|------|------|------|------|
| Gruppe 1 | | 1 | | | 1 | |
| Gruppe 2 | | | 1 | | | 1 |
| Gruppe 3 | 1 | | | 1 | | |

| Kangaa-Miut | 2003 | 2004 | 2005 | 2006 | 2007 | 2008 |
|--------------------|------|------|------|------|------|------|
| Gruppe 1 | | | | | 1 | |
| Gruppe 2 | 1 | | | | | 1 |
| Gruppe 3 | | 1 | | | | |

| Napasoaq | 2003 | 2004 | 2005 | 2006 | 2007 | 2008 |
|-----------------|------|------|------|------|------|------|
| Gruppe | 1 | 1 | 1 | 1 | 1 | 1 |

| Atammik | 2003 | 2004 | 2005 | 2006 | 2007 | 2008 |
|----------------|------|------|------|------|------|------|
| Gruppe 1 | 1 | | 1 | | | 1 |
| Gruppe 2 | 1 | 1 | | 1 | | |

Aningaasaqarnikkut allaffissornikkullu kingunerisinnaasai

Tikaagullinniarneq piniartunut saniatigut isertitaqarfiulluartarpoq.

Allaffeqarfiup naliliinera

Maniitsumi, Kangaamiuni, Napasumi aamma Atammimmi aalisartut piniartullu peqatigiiffiisa tusarniaaffigineqarnerini peqatigiiffiit siunnersuutigaaat ataatsimoorluni tikaagullinniarnermi pias-siissutit sisamat agguanneqassasut taamaalillugu Maniitsoq, Kangaamiut, Napasoq aamma Atammik tamarmik ataatsimik pisassinneqarlutik.

Arfernik angisuunik piniarneq pillugu Namminersornerullutik Oqartussat Nalunaarutaanni § 11, imm. 4 malillugu kommunip ataatsip iluani ataatsimut piniarnermut akuersissutit agguanneqarne-ranni nunaqarfiit tulliullugillu illoqarfiit tuukkartalimmik qamutililinnik angallateqanngitsut saller-paatinneqassapput.

Iisimatitsissutigineqassaaq Maniitsumi marlunnik, Kangaamiuni pingasunik Atammimmi ataatsimik qamutililinnik angallateqarmat. Napasumi qamutililinnik angallateqanngilaq.

§ 13, imm. 4: Kommunimi akuersissutit agguanneqartut qinnuteqaatinit tiguneqarsimasunit ikinnerussagaluarpata tikaagullinniarnissamut agguaassisoqassaaq tullerriiarilluni, ukiumi siuliani pisarineqarsimasut kiisalu akuersissutit atorneqanngitsut eqqarsaatigalugit.

Tullerriiarillunni aaqqissuineq malillugu 2009-mi piniaqatigiit gruppe-t ukua tullinnguupput akuer-simmik tunineqarnissamut:

Maniitsoq piniaqatigiit gruppe 3

Kangaamiut piniaqatigiit gruppe 3

Napasooq piniaqatigiit

Atammik piniaqatigiit gruppe 2

Aalisarnermut piniarnermullu siunnersortip innersuussutaa

Borgmesterimut akuereqqullugu innersuussutigineqassaaq piniaqatigiit gruppe-t ukua ataatsimoorluni piniarnermi tamarmik ataatsimik tikaagullittassinneqassasut:

Maniitsumi piniaqatigiit gruppe 3

Kangaamiuni piniaqatigiit gruppe 3

Napasumi piniaqatigiit

Atammimmi piniaqatigiit gruppe 2

Kommunalbestyrelsi aalajangiinermik paasissutissinneqassaaq.

Borgmesterip aalajangiinera

Innersuussut akuersissutigineqarpoq, apríilip 14-ani 2009-mi.

Innersuussut

Suliaq kommunalbestyrelsimut paasissutissiissutigineqarpoq.

Aalajangiineq

Paasissutissiissut tusaatissatut tiguneqarpoq.

Ilanngussaq

Ilanngussaqanngilaq

**Imm. 08 Maniitsoq Fiskeindustri-mi kommunip aktiat pigisat akiliutitaqanngitsumik
Greenland Venture-mut tunniunnissaat pillugu paasissutissiissut**

Journalnr. 66.10.10

Tunuliaqutaq

Qeqqata Kommuniata marsip 13-ni 2009-mi, Maniitsoq Fiskeindustri A/S-p (MFI) fax-iutaa tiguaa, tamatumuuna qinnutigineqarluni aktianik piginnuttut pigisaasa tamarmik akiliutitaqanngitsumik Greenland Venture-mut tunniunneqarnissaannik isumaqatigiissuteqarnissamut kommunip isumaa paasiniarneqarluni. Taama tunniussinissaq suliffeqarfiup ingerlateqqiinnarnissaannik misiliniarnertut isiginiarneqassaaq, taamaalilluni, suliffeqarfiup qullersaqarfia naapertorlugu, piffissami qanittumi akiliisinnaajunnaarluni nalunaaruteqarnissaraluaq pinaveersaarniarlugu.

Maleruagassatigut tunngavissaq

Akiliisinnaajunnaarnermi malittarisassat inatsimmiittut kiisalu kommunip tigusassaraluani akilerneqarsinnaanngitsut pillugit isumakkeerinnissinnaanera.

Pissutsit atuuttut

Maniitsup Kommuneata MFI-mi aktiat 5,6 procentii pigisarivai (taakkulu 252.205 koruuninik naleqarlutik), tassa Maniitsup illoqarfiani tunitsiveqarnikkut piginneqatigiiffimmi. Aktiat kommunit kattunnerinut atatillugu Qeqqata Kommunianut ingerlateqqitaapput.

MFI-mi pisortaaneq, Bjørn Overgaard (BO), piginneqatigiiffimmi aktiat 7 procentii pigisarivai, kommunimullu ima paasissutissiilluni, MFI-p oktobarimi 2008-mili tunitsivia matoqqasimasooq, tassa piginneqatigiiffiup aningaasarliorneranik peqquteqartumik. BO paasissutissiivoq, piginneqatigiiffik januaarip 1-ani 2009-miit minus 400.000 koruuninik nalilimmik nammineq pigisamigut tunngaveqarsimasooq. BO naapertorlugu, akiitsoqarfiit pissaminnik tigusiniarnissaat utaqqisaaginnersimavoq. BO naapertorlugu taama tigusiniarnissat pinngitsoorani kingunerisussaagaat, piginneqatigiiffiup akiliisinnaajunnaarnissaa.

Greenland Venture-p (GV) siusinnerusukkut marloriarluni piginneqatigiiffiup aningaasaqarniarnera iluarseriarsimagaluarpa, taamaalilluni piginneqatigiiffik ingerlaqqittiniaraluarlugu. Taamaalilluni GV piginneqatigiiffimmut 961.000 koruunit nalinginut tunuliaqutaasimalluni, taamatullu aamma GV piginneqatigiiffik 1.000.000 koruuninik suliffeqarfittut attartortissimagaluarlugu.

MFI-mi aningaasartuutimi tigunissaat qulakkeerniarlugu, Maniitsumilu tunitsiveqarnissaq qulakkeerniarlugu piginneqatigiiffiullu ingerlaannarnissaa anguniaraluarlugu, GV-p aktianik piginnittut neqeroorfigivai piginneqatigiiffimmi aktiatitik akiliutitaqanngitsumik tunniussinagaat.

Qeqqata Kommuniata MFI-miit paasissutissat tigusai malillugit, GV-p ilumoorluinnarluni nalunaarutigivaa, namminneq suliffeqarfik ingerlateqqikkusullugu kiisalu piffissaq alimasinnerusoq isigalugu tunitsivissaqartitsiniarniarlutik. MFI-p paasissutissaatai malillugit, aamma MFI-p ejendomsselskabimut 2008-mi ukiup sisamaraarterutaanut kingullermut kiisalu 2009-mi ukiup siamaraarterutaanut siullermut akiitsui 255.400,78 koruuniusut GV-p piaartumik akilerniarlugit neriorsuutigivaa. Tamatumunnga atatillugu GV-p piumasaaqatigalugu, piginneqatigiiffimmi aktiat minnerpaamik 95 procentiisa GV-mut akiliutitaqanngitsumik tunniunneqarnissaat.

MFI-mi siulersuisuni siulittaasoq, Knud Tetzchner, Masanti Invest ApS-imeersup, aammalu MFI-mi 755.640 koruunit nalinginik aktiateqartup, tamakkiisumik tunniussinissamik neqeroorummut tapersersuivoq. Isumaqaqporlu, taama iliuusissaq peqataasunut tamanut pitsaanerpaassasoq, pingaarnemillu kommunimut, taamaalilluni akileraarutitigut isertitassai qulakkeerneqassammata, isumaginnikkullu aningaasartuutissaralui pinaveersimaartillugit.

MFI-p GV-llu paasissutissatai tunngavigalugit aktianik piginnittut allat tamarmik isumaqatigiissutissaq isumaqatigivaat.

Maniitsoq Fiskeindustri-llu 2007-mi naatsorsuutai naapertorlugit piginneqatigiiffik piffissami sivisunerusumi ajunaaruteqarluni ingerlasimavoq, 2007-mi piffissap ilaani iluarnerulaarsimanera eqqarsaatigissanngikaanni. Piginneqatigiiffiup paasissutissatai naapertorlugit, sulikukkunersiorneqanngikkaluit, 2008 nammineq pigisamigut 400.000 koruuninik amigaateqartumik naammassineqassalluni.

Aningaasaqarnikkut allaffissornikkullu kingunerisinnaasai

BO-p paasissutissatai tunngavigalugit, piginneqatigiiffiup akiliisinnaajunnaarneranik nalunaaruteqarnissaq uaneralaarsuuvoq, tassa GV-imut aktiat tunniunneqarsinnaanngippata. Kommunip paasissutissat tigusimasai tunuliaqutaralugit, akiliisinnaajunaartoqassagaluarpat kommunip aningaasatigut qanoq annaasaqaatigissaneraa oqaatigiuminaappoq.

Aktiat kommunip akiliutitaqanngitsumik tunniutissagunigit, kommunip 252.205 koruunit ajunaarutigissavai.

Allaffeqarfiup naliliinera

Paasissutissat kommunip MFI-miit tunniussinissamut tunngatillugit tigusai annikkaluaqisut kiisalu GV-p siunertaa tunngavigalugit, suliamilu kommunimut piffissaliusaaq sivikkaluaqisooq imminnut ataqatigiisinnerisigut, taama iliuuseqarnissamik siunnersuut tulluartaunersoq allaffeqarfimmu piffissaq qaninnerusoq alimasinnerusorlu eqqarsaatigalugit nalilersussallugu ajornakusoorsimavoq.

Borgmesterip aalajangiinera

Borgmesteri martsip 19-ani 2009 Aningaasaqarnermut ataatsimiititaliaq sinnerlugu aalajangerpoq, kommunip MFI-mi aktiaatai GV-mut akiliutitaqanngitsumik tunniunneqassasut, tamatumanili 2008-mi inaarutaasumik naatsorsuutit nammineq pigisatigut amigartoorutaasimanissaat aallaavigineqassasoq piumasaqaatigalugu.

Aningaasaqarnermut ataatsimiititaliaq tullianik ataatsimiinnissaani paasissutissinneqassaaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap apríilip 16-ani 2009-mi ataatsimiinnermini suliaq suliarivaa. Oqaaserineqartut ilanngullugit tusaatissatut tiguneqarpoq.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Oqaaserineqartut ilanngullugit tusaatissatut tiguneqarpoq. Paasissutissat tassunga tunngasut matoqqasumik ilaasortanut tamanut agguaanneqarumaarput.

Ilanngussaq

Ilanngussaqanngilaq

Imm. 09 Maniitsumi Piareersarfimmi august- december 2008 ingerlatat pillugit nalunaarsuaq pillugit paasissutissiissut

Journalnr. 68.02.20

Maniitsumi Piareersarfiup 2008-mi augustimiit decembarimut ingerlataqarsimaneranik nalunaarut Namminersornerullutik Oqartussanut nalunaarutigineqartussa.

Maleruagassatigut tunngavissaq

Nalunaarut ” Piareersarfinni qitiusumik ingerlatsiviit suliaminnik ingerlatsinerat il.il. naliliisarneq pillugu Namminersornerullutik Oqartussat nalunaarutaat nr. 17 ulloq 16. oktoberi 2007” naaper-torlugu suliarineqarpoq.

Pissutsit atuuttut

Sulisorisat:

Maniitsumi Piareersarfimmi sulisut amerlassusissaat imaapput pisortaq 1, Maniitsumi faglærer-it 5 (faglærer-i 1 Namminersornerullutik Oqartussanit ikaarsaarniku aammalu faglærer-it 3 + sannavimmi aqutsisoq 1 Inuusuttut Sullivigisimasaanniit) Kangaamiunilu sannavimmi aqutsisoq 1 + timelærer-it. Atorfiit tamarnik inuttalerneqarsinnaasimangillat. Tassa Namminersornerullutik Oqartussani atorfeqarnikuusoq faglærer-i 1 taamaallaat aalajangersimasumik sulisorineqarmat. Maniitsumi aammattaaq kontoroverassistent 1-mik sulisorineqartussaavoq, inuttaqarlunilu. Suliffissarsiuussisarfik 2-nik sulisoqartussaavoq inuttaqartunik.

Missingersuutit

Piareersarfimmut ingerlatsinermut missingersuutit tamakkiisut immikkut aningaasaliissutit ilanngullugit Namminersornerullutik Oqartussaniillu tapiissutit ilanngullugit 2008-mi 2,3 mio. koruuniupput. Suliffissarsiuussisarfiup ataani susasaqartitsinerit taakkununga ilanngullugit suliffissaaleqisunut suliasaqartitsinerit 2,9 mio. koruuniupput nunaqarfinnut aningaasaliissutit ilanngullugit, taakku nunaqarfinni aqutsisut/nunaqarfinni kommune-t allaffiinit aqunneqarput. Aammattaaq suliffeqanngikkallarnermut tapiissutit immikkut aningaasaliissutit ilanngullugit 2,2 mio. koruuniupput.

Piareersarfimmut 2008-mi aningaaliissutit missingersut ilanngussatut 1-itut ilannguneqarpoq.

Aqutissiuussineq

Ilinniaqqinniartunut taakkunungalu qinnuteqarnermi aqutissiuussinerit Piareersarfiup susasaqarfigai.

Faglærer-i, kontoroverassistent-i Suliffissarsiuussisarfirmilu sulisoq 1 tamarnik tunngaviumik aqutissiuussisutut ilinniartitaaneq (VGU) naammassinikuuaat. Suliffissarsiuussisarfirmi sulisup aappaa maannakkut VGU-mik ingerlatsivoq.

Inuutissarsiutinik ilinniartitaanernut qinnuteqartut 88-iupput.

54-t akueritipput.

12-t itigartitaapput.

Tupaallaatigisatsinnik 22-t qinnuteqaataat akineqarsimangilaq (imlt. akissutip assileqqinnera uagutsinnut apuunnikuunngilaq).

August 2008-imi aallartereernermi tunngaviusumik inuutissarsiutinik ilinniartut 26-t sungiusarfis-sarsisimapput.

Piffissami 3-t taamaatipput.

2008-p naalernerani 57-t Maniitsumi nunaqarfiinilu inuutissarsiutinik ilinniartuupput.

Piareersarfimmi ilinniarnep ingerlanneqartanera

AEU-mut qinnuteqartut 99-iupput Kangaamiut ilanngullugit.

Taamaattumik qinnuteqartunik nalilersueqqinnissaq tullerriaarinissarlut pisariaqarnikuuvoq.

Maniitsumi 37-t Kangaamiunilu 10-t tassa imaappoq katillugit 47-t AEU/FA-mi aallartipput. Taakku saniatigut 9-t ingerlareersut ilanngupput taamaalillunilu ilinniartu katillutik 56-inngorput.

AEU/FA-mi aallarnisartoqareermat sorlernut inissinneqarnissaat siunertaralugu misilitsittoqarpoq (aallarterlaat/ingerlaqqittut). Taassuma kingorna agguataarinikkut imatut inissiisoqarpoq:

Ilinniartut 20-t modul 1-mut aamma taaneqartartoq trin 1 imlt. T1

Ilinniartut 12-t modul 3-mut aamma taaneqartartoq trin 3 imlt. T3

Ilinniartut 15-t FA-mut

Kangaamiuni immikkoortiterisoqanngilaq, ilinniartut 10-t AEU/FA-mi aallartipput 2009-mi aasami AEU-mi FA-miluunniit soraarummeernissaq siunniunneqarluni.

Ilinniartitsineq seminarie-mi naammassinikunit Maniitsumi Kangaamiunilu 6-nik aamma 3-nik arlariinnik suliffeqarnermi isumaqatigiissut (kombinationsaftale) atorlugu ingerlanneqarpoq. Taamaattorli allaffissornermi tiimit tassa imaappoq aqqutissiuussinerit allatigullu sullissinerit ilinniartunut tunngassuteqartut isumaqatigiissummi ilaatinneqanngillat. Suliaq tamanna pisortamit, faglærer-imit allaffimmilu atorfilimmit maannamut sulisuusunit suliarineqarpoq.

Fag-it tunngavigisat tamaasa, tassa kalaallisut, qallunaatut, tuluttut matematik-ilu, ilinniartitsissutigineqarput. FA eqqarsaatigalugu aammattaq kemi/fysik-ilu ilinniartitsissutigineqarlutik.

Lektion-it amerlassusii agguataarnerilu ilinniartitaanerup aaqqissuussaana najoqqutaralugu naleq-qussarneqarput.

Kangaamiuni ullaap tungaa inuttut piginnaassutsit qaffassarnissaat siunertaralugu ingerlatsisoqartarpoq (inuiaqagiilerineq, pilersitsisinnaaneq/sannavimmi sulineq, nipilersorneq/erinarsorneq/-nuutersornermik ilinniarneq). Taakku saniatigut Maniitsumi periaatsit malinneqarput.

Maniitsumi tiimit 1606 miss. Kangaamiuni 753 miss. atuarneqarput, ataatsimiinnerit, pikkorissarnerit il. il. minillugit.

Ilinniartut tamarmik iliuusissamik pilersaaruteqarput.

Ilinniartut ilinniagaqarnermusisinnaasut amerlassusii

Maniitsumi Piareersarfik ilinniartunik 55-nik, qaammatinut 385-inut naleqqutunik (ilinniartut 55-t qaammatini 7-ni) ilinniarnermusisitsisinnaatillugu tunineqarnikuuvoq.

Maniitsumi AEU/FA-mut qinnuteqartorpassuummata ilinniartut ilinniarnermusisinnaasut amerlineqarnissaannik ISIIA-mut qinnuteqartoqarpoq akuerineqartumik. Taamaalilluni Maniitsumi Kangaamiunilu ilinniartut ilinniarnermusisinnaasut qaammatinik 10-ni 60-inngorlutik.

2008-p ukiaanerani ilinniartut 4-t taamaatipput.

Suliffissarsiuussisarfik - AMK

Inuit 14-t pikkorissartinneqarput. Taakku piffissami august – december pikkorissarneq malittaraat. GU-mut 19-t ATX-imullu 6-t akuerineqarput. Qasserpiaat qinnuteqarsimanersut ilisimaneqanngilaq paasinarsisimammat qinnuteqaatit ilarpassui ilinniartinnut (GU, HTX, ATI il. il.) toqqaannartumik nassiunneqarsimasut.

Piffissami qaffasinnerusumut ilinniagaqalernissamut innersuussisoqanngilaq.

Maniitsup Kommuneani suliffissaaleqisut

Inuit 16-t suliffissaqartitsiniutit atorlugit sulisinneqarput.

Suliffissarsiortut 10-t ataavartumik suliffittaarput.

Suliffissarsiortut piffissami agguaqatigiisillugu 142-ruusimapput.

Piffissami piginnaangorsaqqisaq 1-uvoq.

Nassuerutigisariaqarpoq piginnaangorsaqqiisarnerup piorsarnissaa aalluttariaqartoq.

Suliffissaaleqisut amerlassusii. Takuuk ilanngussaq 2

Kommunemi aqutissiuussisut attaveqatigiinnerat

Inuutissarsiutinik ilinniagaqarnermullu aqutissiuussineq eqqarsaatigalugu sumiiffinni meeqqat atuarfiat, efterskole aamma ATI suleqatigineqarput.

Allatseqarfiup aningaasaqarnermullu allatseqarfiup oqaaseqaatai

Soqanngilaq

Allaffeqarfiup naliliinera

- Nalunaarusiaq tusaatissatut tiguneqassasoq.

- Aningasaqarnermut ataatsimiititaliamut akuerisassanngorlugu ingerlatinneqassasoq.

Inuussutissarsiutinut suliffissaqartitsiniarnermullu ataatsimiititaliap suliamik suliaqarnera

Inuussutissarsiutinut suliffissaqartitsiniarnermullu ataatsimiititaliap marsip 24-iani 2009 ataatsimiinnermini nalunaarusiaq akuersissutigivaa aningaasaqarnermullu ataatsimiititaliamut akuersissutigineqassasoq innersuussutigalugu. Kissaatigineqarpoq aningaasartuutit Sisimiuni aamma Maniitsumi assigiissaanissamik suliaqartoqassasoq.

Killiffik pillugu mail-ikkut allakkatigullu Namminersornerullutik Oqartussanut nassiunneqareerpoq.

***Kommunalbestyrelsip aprīilip 29-ani 2009-mi ileqquusumik ataatsimiinnerata 02/2009-p
imaqarniliornera***

Ilaqutariinnermut Ilinniartitaanermullu pisortaanerup innersuussutaa

Innersuussutigineqarpoq Aningaasaqarnermut ataatsimiititaliap nalunaarusiaq akuersissutigissagaa kiisalu aningaasartuutit Sisimiuni aamma Maniitsumi assigiisnaanissamik suliaqartoqassasoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aprīilip 16-ani 2009-mi ataatsimiinnermini innersuussut akkuersissutigivaa.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussa

Ilanngussaqaanngilaq

**Kommunalbestyrelsep apriilip 29-ani 2009-mi ileqquusumik ataatsimiinnerata 02/2009-p
imaqarniliornera**

Imm. 10 2009-imi qaammatini pingasuni aningaasaqarnermut nalunaarusiaq

Journalnr. 06.00

Pissutsit atuuttut

Atuineq ukiumut tamarmiusumut siammaranni atuineq/isertitat 25,0 procentimi inissisimassaaq.

| Atuisimanermut takussutissaq 2009-mi marsip naanerani | Ukiumut missing. iluarsisat | Nuutat | 2009-mi % |
|--|--------------------------------|----------------|-------------|
| Allaffissornermut tunngasut | 92.045 | 25.332 | 27,5 |
| Teknikki | 33.292 | 6.480 | 19,5 |
| Suliff. Inuutissarsiornermut tunngasut | 19.188 | 5.890 | 30,7 |
| Ilaqutariinnermut immikkoortoaq | 106.843 | 29.859 | 27,9 |
| Ilinniartitaaneq kulturilu | 209.056 | 52.763 | 25,2 |
| Pilersuiffiit | 8.632 | 2.449 | 28,4 |
| Ingerlatsinermut aningaasartuutit katill. | 469.056 | 122.774 | 26,2 |
| Sanaartornermut aningaasartuutit | 66.987 | 6.468 | 9,7 |
| Aningaasartuutit katillugit | 536.043 | 129.242 | 24,1 |
| Ingerlatsinermi isertitat | -489.100 | -43.929 | 9,0 |
| Karsimi nikingassut | 46.943 | 85.313 | |
| Killiffimmi nikingassut | 15.252 | | |
| Katillugit | 62.195 | | |

Neg. tal er indt/overskud & pos. tal er udg/undersk.
Kisitsisit (-) tallit = isertitat/sinneqartoorutit
Kisitsisit (+) tallit = aningaasartuutit amigatoorutit

Allaffissornermut tunngasut

Allaffeqarfik aningaasaliissutaasuniit 92,00 mio. koruuniniit katillugu 25,3 mio. koruuninik atuif-fiuvoq. Tamannalu 27,5 procentimik atuineruvoq. Atuisimanermut procentip taamak qaffasitsigine-ranut, 2009-mut sillimmasiinnermut aamma Kanukoka-mut ilaasortaanermut akiliutit siumoortumik akilerneqartarneranik aamma isertitat ilaat assersuutigalugu kantinami aningaasartuutininut INI A/S akileeqaataassutigisartagai aatsaat ukiup naanerani tiguneqartarnerinik patsiseqarpoq.

Teknikkimut tunngasut

Teknikkimut tunngasuni aningaasaliisutiniit 33,3 mio. koruuniniit atuineq 19,5 procentiuvoq. Kontot ataasiakkaat soorlu aputaajaaneq (kt.21-01) aamma qimmiliviit (kt.22-02) nalinginnaasumik piffissap taamaalinerani annertuumik atuinermut procenteqarfiusarpput.

Suliffissaqartitsiniarnermut inuutissarsiornermullu tunngasut

Suliffissaqartitsiniarnermut inuutissarsiornermullu tunngasunut aningaasaliisutiniit 19,2 mio. koruuniniit atuineq 30,7 procentiuvoq. Atuisimanermut procentip taamak qaffasitsigine-ranut Piareersarfimmi (kt. 38-01) aamma Sulinnigiffeqarallarnermi ikiorsiisutini (kt.38-02) atuiallaarsi-manermik patsiseqarpoq.

Ilaqutariinnermut tunngasut

Ilaqutariinnermut tunngasuni aningaasaliissutaasuniit 106,8 mio. koruuniniit atuineq 27,9 procen-tiuvoq. Atuineruneq siusinaartumik sulisinnaajunnaarnersiutilinnut (kt. 43) annertusigaluttuinnar-tumik aningaasartuuteqarneq aamma innarluutilinnut immikkoortumi (kt.48) utertitassaagaluanik utertitsinngitsuinernik patsiseqarpoq.

Ilinniartitaaneq kulturilu

Ilinniartitaanermut kulturimullu tunngasuni aningaasaliissutiniit 209,1 mio. koruuniniit katillugu 25,2 procentimik atuiffiuvoq. Sunngiffimmut, kulturimut timersornermullu (kt.59) tapiissuteqartarnerit annertuumik atuinermut procenteqartitsisarput, aammalu Kangerlussuarmi kongressal ukiumut missingersuutiminik qaangeereerpoq.

Pilersuiffiit

Pilersuiffiit aningaasaliissutaasuniit 8,6 mio. koruuniniit katillugu 28,3 procentimik atuiffiupput.

Sanaartornermut tunngasut

Sanaartornermut tunngasuni aningaasaliissutiniit 67,0 mio. koruuniniit katillugu 9,7 procentimik atuiffiuvoq.

Isertitat

Aningaasaliissutiniit 489,1 mio. koruuniniit katillugit 9,0 procentmik Qeqqata Kommunua isertitaqarpoq. Isertitat tullinnguuttutut agguataaqqapput:

- Inuit akileraarutaat (kt.80) 251,6 mio.koruuninit isertitassatut aningaasaliissutiniit 16,6 procentinik isertitsiffiuvoq, tamannalu januaarip qaammataani akileraarutinut isertitassat februaarimi il.il. tiguneqartarmata naatsorsuussaareerpoq.
- Selskabet akileraarutaat (kt.81) ukiup naatsorsuuseriffiusup (januar 2010) naanerani nuunneqartarput.
- Tamanut tapiissutit nalimmassaanerillu (kt.83) isertitassatut aningaasaliissutaasuniit 209,9 mio. koruuniniit 0,0 procentinik isertitaqarfiuvoq. Namminersornerullutik Oqartussaniit tapiissutit tiguneqareerput kisianni suli nuunneqaratik, konterinissamat iltersuut aatsaat 2009-mi apríilip aallaqqaataani kommuninut nassiunneqarmat.
- *Erniat, aningaasaliissutaasimasunit iluanaarutit, kiisalu aningaasat nikerarneranni ajunaarutit iluanaarutillu (kt.85) isertitassatut aningaasaliissutiniit 14,2 mio. koruuniniit 13,4 procentimik isertitsiffiupput.*
- *Isertitat allat (kt.86) isertitassatut aningaasaliissutaasuniit 7,6 mio. koruuniniit 2,6 procentinik isertitaqarfiuvoq.*
- *Manna tikillugu suli isumakkeerinnittoqanngilaq (kt.88).*

Naanerani aningaasaatigisassatut naatsorsuutigisat

Ukiup naanerani pigisat atoriaannaat 89,6 mio. koruuniniit 27,4 mio. koruuninut appariarnissaat naatsorsuutigineqarpoq. Naatsorsuutiginninneq taanna 2009 aallartinnerani pigisat atoriaannaat annertussusaannik, 2009-mi missingersuutini ingerlatsinermi inernerusussanit naatsorsuutigisanit aamma killiffinni nikingasoorutissaniit (10-40-50 atorlugu attartortitsinerit) kiisalu manna tikillugu immikkut aningaasaliissutiniit aallaaveqartinneqarpoq.

| | |
|---|-------------------|
| 2009 aallartinnerani karsimiittuutit | 89.622.000 |
| 2009-mi miss. Naapert. Ingerlats. Inernera | -47.133.000 |
| Killiffimmi nikingasoorutit | -15.252.000 |
| Immikkut aningaasaliissutit | 190.000 |
| Karsimi nikingasoorutissat katillugit | -62.195.000 |
| 2009 naanerani karsimiittuutit | 27.427.000 |

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap apriliip 16-ani 2009-mi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

aningaasaqarnermut nalunaarusiaq akuersissutigineqassasoq

inuutissarsiornermut suliffissaqartitsiniarnermullu ataatsimiititaliaq Piareersarfimmi (kt.38) atuisi-
manermit nassuiaateqarnissaanik qinnuigineqassasoq

ilaqutariinnermut ataatsimiititaliaq siusinaartumik sulisinnaajunnaarnersiutillit (kt.43) ukiuisa
allanngorarnerat pillugu nassuiaateqarnissaanik qinnuigineqassasoq

at ilinniartitaanermit, sunngiffimmut kulturimullu ataatsimiititaliaq tapiisarnernut kontot (kt.59)
aamma taakku pillugit atuisarnernut malittarisassiornissaanik kiisalu Kangerlussuarmi sunngiffimmi
sammissassat ilaasa ingerlanneqarnerinik suliariumannittussarsiuussinissaanik/namminersortunngor-
saanissaanik nassuiaateqarnissaanik qinnuigineqassasoq

Aalajangiineq

Innersuussutigineqartut akuersissutigineqarput.

Ilanngussaq

1. Qeqqata Kommunianut oqimaaqatigiisitsineq

Imm. 11 Maniitsup Kommuneani 2008-mut ukiumoortumik nalunaarut

Journalnr. 06.03.01

Tunuliaqutaq

Aningaasaqarnermut immikkortortap Maniitsup Kommuneanut 2008-mut ukiumoortumik nalunaarutissatut siunnersuut suliarivaa, borgmesterimit siulequtserneqarluni, kommunep nalinginnaasumik ilisaritinneranik, kisitsisinik pingaarnernik, naatsorsuuseriaatsimik, sutigut suliaqarsimanerit allaa-serinerinik, naammassiat naatsorsornerinik kiisalu ilanngussat ilaatinneqartartut nalunaarusiornerinik imaqartoq.

Maleruagassatigut tunngasvissat

Kommunalbestyrelsit, nunaqarfinni aqutsisut il.il. pillugit Inatsisartut inatsisaat nr. 20 novembarip 3-ani 1994-imeersoq, inatsisartullu inatsisaatigut nr. 6. juunip 12-ini 1995-imeersukkut allangor-tinneqartumi §§ 43-48.

Pissutsit atuuttut

Naammassiat nalunaarutaata takutippaa, Maniitsup Kommunea 2008-mi 9,9 mio. koruuninik amigartooruteqartoq, ima isikkulinnik

Mio. Kr.

| Konto | N 2008 | N 2007 | M 2008 |
|---|---------------|---------------|---------------|
| Isertitat | -169,0 | -172,0 | -172,6 |
| Ingerlatsinermi aningaasartuutit | +168,8 | +155,6 | +174,3 |
| Ingerlatsinermi naammassiat | -0,2 | -16,4 | +1,7 |
| Sanaartornermi aningaasartuutit | +9,6 | +10,1 | +15,6 |
| Naammassiat katillugit | +9,9 | -6,3 | +17,3 |

2008-mut naammassiatigut naatsorsuutit takutippaat, Kommune 169,0 mio. koruuninik isertitaqartoq kiisalu ingerlatsinikkut 168,8 mio. koruuninik aningaasartuuteqarluni. Tamanna ima isumaqarpoq, kommune pingaarnertut ingerlatsinikkut 0,2 mio. koruuninik sinneqartooruteqartoq. 2008-mi sanaartornikkut katillugit 9,6 mio. koruuninik aningaasartuuteqarmat, taamaalilluni kommune katillugit 9,9 mio. koruuninik amigartooruteqarpoq.

Naammassiatigut naatsorsuutit takutippaat, isertitat 2007-imi 172,0 mio. koruuniniit 2008-mi 169,0 mio. koruuninut appariaateqarsimasut, katillugit 3,0 mio. koruuninik.

Ingerlatsinikkut aningaasartuutit 2007-imi 155,6 mio. koruuniniit 2008-mi 168,8 mio. koruuninut qaffariaateqarsimallutik, katillugit 13,2 mio. koruuninik.

Sanaartornermut aningaasartuutit 2007-imi 10,1 mio. koruuniniit 2008-mi 9,6 mio. koruuninut appariaateqarsimallutik, katillugit 0,5 mio. koruuninik.

Isertitat 2008-mi 172,6 mio. koruuninut missingersuusiugaallutik, 169,0 mio. koruuninillu naammassineqarlutik, tassalu 3,6 mio. koruuninik ajorseriaateqarlutik.

Ingerlatsinikkut aningaasartuutit 174,3 mio. koruuninut missingersuusiugaallutik. 168,8 mio. koruuninillu naammassineqarlutik, tassalu 5,5 mio. koruuninik pitsanngoriaateqarlutik.

Sanaartornermut aningaasartuutit 15,6 mio. koruuninut missingersuusiugaallutik, 9,6 mio. koruuninillu naammassineqarlutik, tassalu 5,9 mio. koruuninik aningaasartuutikinneruffiullutik.

Aningaasaqarnikkut allaffissornikkullu kingunerisinnaasai

Naatsorsuutit takutippaat 9,9 mio. koruuninik amigaartooruteqarfusut.

Naatsorsuutitigulli naammassiat akiliisinnaassutsimik namminerlu aningaasaateqassutsikkut suli annerusumik ajorseriaateqarfiupput. Akiliisinnaassuseq 2008-p aallartinnerani 29,7 mio. koruuniniit 2008-p naaneranut 3,9 mio. koruuninut 25,8 mio. koruuninik appariaateqarpoq. Nammineerluni aningaasaatit ukiup aallartinnerani 49,0 mio. koruuniniit 28,4 mio. koruuninut, 20,6 mio. koruuninik appariaateqarlutik.

Akiliisinnaassutsip appariaateqaqqinneranut pingaarnertut tunngaviulluni, kommunep sivisuumik akilersugassatut aningaaserivimmit attartugaasa 9,0 mio. koruuniusut ukiup naanerani akilerneqarnerat kiisalu Namminersornerullutik Oqartussanut akiliuteqarneq.

Nammineerluni aningaasaatitigut appariaateqaqqinneranut tunngaviulluni, akiliisitsiniartarnerup qitiusumik inissinneqarnranut atatillugu aningaasat pisassaraluit toqqaannartumik nammineerluni aningaasaatitigut isumakkeerinnissutaanerat.

Allaffeqarfiup naliliinera

Maniitsup Kommunea aningaasaqarnermigut pitsaavallaanngilaq, tassa ingerlatsinikkulluunniit annikitsuinnarmik amigartooruteqaraluarluni.

Kalaallit kommuneqarfiinut akiliisinnaassutsikkut piumasaqaataavoq, ingerlatsinermut sanaartornermullu aningaasartuutit 5 procenterissagaat, tassalu 2008-mi naatsorsuutini 8,9 mio. koruuniusalluni. Taamaalilluni Maniitsup Kommuneata akiliisinnaassusia 3,9 mio. koruuninik piumasaqaatiniit appasinneruvoq.

Aningaasaqarnermut ataatsimiilitaliami suliap suliarinera

Aningaasaqarnermut ataatsimiititaliap apríilip 16-ani 2009-mi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigissavaa

2008-mut Maniitsup Kommuneani ukiumoortumik nalunaarusiaq akuereqqullugu, kukkunersiuissu-nullu ingerlateqqillugu.

Aalajangiineq

Maniitsup kommunerisimasaata 2008-mut naatsorsuutai akuersissutigineqarput.

Ilanngussat

1. 2008-mut ukiumoortumik nalunaarusiaq
2. Sulisut nalunaarsorneri
3. Naasorsuutinut takussutissiaq
4. Illuutit nalunaarsorneri

Imm. 12 Sisimiut Kommuneani 2008-mut ukiumoortumik nalunaarut

Journalnr. 06.03.01

Tunuliaqutaq

Aningaasaqarnermut immikkortortap Sisimiut Kommuneanut 2008-mut ukiumoortumik nalunaarutissatut siunnersuut suliarivaa, borgmesterimit siulequtserneqarluni, kommunep nalinginnaasumik ilisaritinneranik, kisitsisinik pingaarnernik, naatsorsuuseriaatsimik, sutigut suliaqarsimanerit allaa-serinerinik, naammassiat naatsorsornerinik kiisalu ilanngussat ilaatinneqartartut nalunaarusiornerinik imaqartoq.

Maleruagassatigut tunngasvissat

Kommunalbestyrelsit, nunaqarfinni aqutsisut il.il. pillugit Inatsisartut inatsisaat nr. 20 novembarip 3-ani 1994-imeersoq, inatsisartullu inatsisaatigut nr. 6. juunip 12-ini 1995-imeersukkut allangor-tinneqartumi §§ 43-48.

Sisimiut Kommuneani karseqarnermut naatsorsuuserinermullu malittarisassat. Naatsorsuutit saqqummiunneqartarnerinut suleriaatsit imm. 2.6.

Pissutsit atuuttut

Naammassiat nalunaarutaata takutippaa, Sisimiut Kommuneata 2008-mi 12,0 mio. koruunit sinne-qartoorutigigai, ima isikkulinnik

Mio. Kr.

| Konto | N 2008 | N 2007 | M 2008 |
|---|---------------|---------------|---------------|
| Isertitat | -341,2 | -311,2 | -312,2 |
| Ingerlatsinermi aningaasartuutit | +268,6 | +273,6 | +280,2 |
| Ingerlatsinermi naammassiat | -72,6 | -37,6 | -32,0 |
| Sanaartornermi aningaasartuutit | +60,6 | +51,6 | +53,2 |
| Naammassiat katillugit | -12,0 | +14,0 | +21,2 |

2008-mut naammassiatigut naatsorsuutit takutippaat, Kommune 341,2 mio. koruuninik isertita-qartoq kiisalu ingerlatsinikkut 268,6 mio. koruuninik aningaasartuuteqarluni. Tamanna ima isuma-qarpoq, kommune pingaarnertut ingerlatsinikkut 72,6 mio. koruuninik sinneqartooruteqartoq. Sinneqartoorutit taakku sanaartukkatigut pitsanngorsaanernut, mutinngorsaanernut nutaanillu sanaartukkanut atorneqarsimapput. 2008-mi sanaartornikkut aningaasartuutit katillugit 60,6 mio. koruuniupput.

Taamaalilluni kommune katillugit 12,0 mio. koruuninik sinneqartooruteqarluni.

Naammassiatigut naatsorsuutit takutippaat, isertitat 2007-imi 311,2 mio. koruuniniit 2008-mi 341,2 mio. koruuninut qaffariaateqarsimasut, katillugit 30,0 mio. koruuninik.

Ingerlatsinikkut aningaasartuutit 2007-imi 273,6 mio. koruuniniit 2008-mi 268,6 mio. koruuninut appariaateqarsimallutik, katillugit 5,0 mio. koruuniniik.

Sanaartornermut aningaasartuutit 2007-imi 51,6 mio. koruuniniit 2008-mi 60,6 mio. koruuninut qaffariaateqarsimallutik, katillugit 9,0 mio. koruuninik.

Isertitat 2008-mi 312,2 mio. koruuninut missingersuusiugaallutik, 341,2 mio. koruuninillu naammassineqarlutik, tassalu 29,0 mio. koruuninik pitsanngoriaateqarlutik.

Ingerlatsinikkut aningaasartuutit 280,2 mio. koruuninut missingersuusiugaallutik. 268,6 mio. koruuninillu naammassineqarlutik, tassalu 11,6 mio. koruuninik pitsanngoriaateqarlutik.

Sanaartornermut aningaasartuutit 53,2 mio. koruuninut missingersuusiugaallutik, 60,6 mio. koruuninillu naammassineqarlutik, tassalu 7,4 mio. koruuninik aningaasartuuteqarfiunerullutik.

Aningaasaqarnikkut allaffissornikkullu kingunerisinnaasai

Naatsorsuutit takutippaat 12,0 mio. koruuninik sinneqartooruteqarfiusut.

Naatsorsuutitigulli naammassisat malitsigisaannik akiliisinnaassuseq namminerlu aningaasaqassuseq assigisaanik pitsanngoriaateqanngilaq. Akiliisinnaassuseq 0,3 mio. koruuninik qaffariaateqarpoq, tassa 2008-p aallartinnerani 85,4 mio. koruuniniit 2008-p naaneranut 85,7 mio. koruuninut. Nammineq aningaasaatit 2,4 mio. koruuninik qaffariaateqarlutik, tassa ukiup aallartinnerani 133,6 mio. koruuniniit ukiup naaneranut 135,9 mio. koruuninut.

Akiliisinnaassutsip taama annikitsigisumik qaffariaateqarneranut pingaarnertut tunngaviuvoq, Sisimiut Kommuneata nutaatut Qeqqata Kommunianut aningaasartuuteqarnera.

Nammineerluni aningaasaateqarnerup taama annikitsigisumik qaffariaateqarneranut tunngaviulluni, akiliisitsiniartarnerup qitiusumik inissinneqarneranut atatillugu aningaasat pisassaraluit toqqaanartumik nammineerluni aningaasaatitigut isumakkeerinnissutaanerat.

Allaffeqarfiup naliliinera

Sisimiut Kommuneat ingerlatsinikkut sinneqartooruteqarluni Kalaallit Nunaannilu akileraarutitigut appasinnerpaat tulliatut 25 procentimi inissisimalluni aningaasaqarnikkut ajunngitsumik inissisimasimavoq.

Sisimiut kommunalbestyrelsiata sanaartukkatigut 10-40-50-ilu aqutigalugu attartortitsisarnikkut anguniagai ukiorpaalunngortuni qaffasissumik inissisimasimavoq, ukiunilu kingulliunerusuni karsimiittuutininik atuinnikkut ukiorlu manna akileraarutitigut isertitaqarluarnikkut piviusunngortinneqarsinnaasimalluni.

Kalaallit kommuneqarfiinut akiliisinnaassutsikkut piumasaqaataavoq, ingerlatsinermut sanaartornermullu aningaasartuutit 5 procenterissagaat, tassalu 2008-mi naatsorsuutini 17,1 mio. koruuniusalluni. Sisimiut Kommuneata akiliisinnaassusia 85,7 mio. koruuniniilluni piumasaqaatinik qaffasinnerungaatsiartumiippoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap apríilip 16-ani 2009-mi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigissavaa.

2008-mut Sisimiut Kommuneani ukiumoortumik nalunaarusiaq akuereqqullugu, kukkunerisuiusunullu ingerlateqqillugu.

Aalajangiineq

Oqaaserineqartut ilanngullugit innersuussutigineqartoq akuersissutigineqarpoq.

Ilanngussat

1. 2008-mut ukiumoortumik nalunaarusiaq
2. Sulisut nalunaarsorneri
3. Naatsorsuutininut takussutissiaq
4. Illuutit nalunaarsorneri

Imm. 13 2010-mut missingersuutitut 2011-miillu 2013-imut ukiuni missiliuuteqarfiusunut missingersuutitigut killiliussassatut siunnersuut

Journalnr.06.01.01/2010

Tunuliaqutaq

2010-mut missingersuutitut 2011-miillu 2013-imut ukiuni missiliuuteqarfiusunut missingersuutitigut killiliussassatut siunnersuut pisortaqatigiit saqqummiuppaat.

Maleruagassatigut tunngavissat

Aqutsinermi inatsisip § 40-at naapertorlugu, Kommunalbestyrelsimut saqqummiunneqartussamik Aningaasaqarnermut ataatsimiititaliaq ukiuni tulliuuttuni missingersuutitigut siunnersuusiusaaq.

Pissutsit atuuttut

Suliassat ingerlateqqinneqartussat 2009-mut missingersuummut akuersissutigineqarnikut aallaavigalugit, 2010-miit 2013-imut ukiuni missiliuuteqarfiusunut missingersuutitigut killiliussassatut siunnersuusiorqarpoq.

Ingerlatsinermut tunngasut ataasiartumik aningaasartuutitut ilassutitullu aningaasaliissutit akuersisutigineqarsimasutut taallugit iluarsineqarnikuupput. Tamanna aallaavigalugu akissarsianut 3 procentit sinnerinullu ingerlatsinermut 2 procentit nalunaarsorneqarsimapput. Taamaattorli pilersuinnermi isertitat 10 procentinik nalunaarsorneqarsimallutik, eqqakkat pillugit pilersaarummi tusarniutaaneranut atuisut annertunerusumik akiliuteqartalernissaat pillugu kommunalbestyrelsip akissuteqaataa takuuk.

Sanaartornermut tunngasut 2009-mut missingersuutitigut ilanngunneqareernikut, 2011-imiit 2013-imut ukiunut missiliuuteqarfiusunut ilanngunneqarput.

Ukiuni 2008-mi, 2009-mi, 2010-mi 2011-milu aningaasaliissutissanut tunngasuni 2009-mut missingersuutini isertitassat ilaareersuupput, 288,4 mio. koruuninillu isertitaqarfiumissaat naatsorsuusaa-reerluni.

Inissanut aningaasaliissuteqartarnermi sionratigut 10/40/50-inik taaneqartartut – maannakkullu 20/20/60-inik taaneqartartut pillugit – killiffimmi nikingassutaasuni kommunip nassuiaateqarfagai.

| Kontop taaguutaa | B 2010 | B 2011 | B 2012 | B 2013 |
|---|---------------|---------------|---------------|---------------|
| Allaffissornermut tunngasut | 91.814 | 91.814 | 91.814 | 91.814 |
| Teknikkimut avatangiisimullu | 33.189 | 33.189 | 33.189 | 33.189 |
| Suliffissaqartitsiniarneq inuutissarsiornerlu | 19.742 | 19.742 | 19.742 | 19.742 |
| Isumaginninnermut tunngasut | 108.719 | 108.719 | 108.719 | 108.719 |
| Ilinniartitaaneq kulturilu | 215.534 | 214.588 | 212.855 | 212.855 |
| Pilersuineq | 7.901 | 7.901 | 7.901 | 7.901 |
| Ingerlatsineq katillugit | 476.898 | 475.952 | 474.219 | 474.219 |
| Sanartorneq katillugit | 57.549 | 41.039 | 32.990 | 35.418 |
| Aningaasartuutit katillugit | 534.447 | 516.991 | 507.209 | 509.637 |
| Isertitat | -489.100 | -489.100 | -489.100 | -489.100 |
| Ingerlatsinermi inernerusut | 45.347 | 27.891 | 18.109 | 20.537 |
| Killiffimmi nikingassutaasut | 14.788 | 1.000 | 1.000 | 0 |
| Oqimaagaqatigiissitsineq | 60.135 | 28.891 | 19.109 | 20.537 |
| Ukiup allartinnerani karsimiittuutit | 27.427 | -32.708 | -61.600 | -80.709 |
| Ukiup naanerani karsimiittuutit | -32.708 | -61.600 | -80.709 | -101.246 |

Siuliini taaneqartoq ukiup aallartinnerani karsimiittuutit, 2009-mi kvartalimi siullermi aningaasaqarnerup malinnaaviginerani karsimiittuutigineqartut aallaavigalugit naatsorsorneqarput.

Aningaasaqarnikkut allaffissornikkullu kingunerisinnaasai

Siuliini missingersuutit siunnersuummi (ingerlatsineri inernerisut) 2010-mi 62,4 mio. koruuninik amigartooruteqassanganeq, annerusumik sanaartornermi missingersuusiamut naapertuuppoq.

Nakkutilliisoqarfiup kommunemi karsimiittuuteqarnissamik piumasarisaa unaavoq, ingerlatsinikkut sanaartugassatigullu aningaasartuutissanit missingersuusiornerup naanerani minnerpaamik 5 procentiussasoq. Taamaamat 2010-mut aqutsinikkut kisitsisitut pingaarnertut minnerpaa-mik 27 mio. koruuninik karsimiittuuteqarnissaq inissitaavoq.

Taamaalilluni 2010-p naanerani karsimiittuutit minnerpaamik 27 mio. koruuniussallutik, tamannalu 2010-p aallartinnerani karsimiittuutigineqartussatut naatsorsuutigineqartut naligissallugu. Taamaalilluni 2010-mi missingersuutitigut oqimaaqatigiissaarisoqartariaqarluni.

Allaffeqarfiup naliliinera

Allaffeqarfiup nalilerpaa, kommunip aningaasaqarnera pitsaasumiiginnassappat, 2010-mi missingersuutaareersuni annertuumik sipaarniartoqartariaqartoq. Aammattaaq 2009-mi aningaasaqarnikkut sukannersumik aqutsisoqartariaqarpoq, pisariaqavissuinnarni aatsaat ilassutit aningaasaliisoqartassalluni.

Ingerlatsinermit tunngasuni annerni pingasuni maannakkut annertuutigit nassuiaasioqaleruttorput, tassaasut: utoqqarnut isumassuineq (kt.47), meeqqanut inuusuttunullu ulluunerani ikiorsiissutit (kt.50) atuarfeqarfillu (kt.51). Taakku pingasuullutik ingerlatsineri aningaasartuutit affaata missaaraat. Nassuiaasioqarnerup ingerlanerani taakkunani kontonut pingaarni nuussinissaq ataatsimiititaliat pinaveersaassavaat.

2009-p ingerlanerani nassuiaasioqarnerissaq pisariaqarsinnaassaaq, sipaaruteqarnerissaq pingaarnertut anguniarlugu. Aammattaaq annertuutigit ingerlatsineri kattunermi Kanukoka-mut akiliuteqartarneq annikinnerulerlunilu kommunip inuutissarsiutitigut aningaasartuutigisartagai annikinnerulisapput.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap apríilip 16-ani 2009-mi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap Kommunalbestyrelsimut akuereqqullugu innersuussutigissavaa,

2010-miit 2013-imut ukiuni missiliuteqarfiusunut missingersuutitigut killiliussassatut siunnersuut saqqummiunneqartoq akuersissutigineqarlunilu nalunaarutigineqassasoq

Utoqqarnik isumassuineq (kt.47), meeqqanut inuusuttunullu ulluunerani ikiorsiissutaasartut (kt.50) atuarfeqarfillu (kt.51) pillugit killiliussat iluarsivigineqassasut, taakkununga tunngasuni nassuiaateqartoqarnerissaanut atatillugu saqqummiussisoqalerpat.

Aalangiineq

Oqaaserineqartut ilanngullugit innersuussutigineqartut akuersissutigineqarput.

Ilanngussaq

2010-miit 2013-imut missiliuuteqarfiusunut pingaarnertut piffissaliussat.

Imm. 14 Teknikkimut avatangiisinullu allatseqarfinni pisortat atorfiisa qaffanneqarnissaat

Journalnr.03.00.07

Tunuliaqutaq

Kommunit kattunnerinut atatillugu allatseqarfinni pisortat malugilerpaat, kommunimi allatseqarfiit allat assigalugit Sisimiuni Maniitsumilu Teknikkimut avatangiisinullu allatseqarfinni atorfiit qaffanneqarsimanngitsut.

Assigiinngissutsip tamatuma iluarsiiiffigineqarnissaa pisortaqarfiup pingaartipaa, taamaattumillu teknikkimut avatangiisinullu allatseqarfinni pisortatut atorfiit qaffanneqarnissaat siunnersuutigineqarluni.

Maleruagassatigut tunngavissat

Aqutsinermut inatsit naapertorlugu, atorfiit amerlassusiligaaneri kommunalbestyrelsip aalajanger-tussaavai.

Tjenestemanditut atorfiit qaffanneqarnissaat pineqartillugit Namminersornerullutik Oqartussat akuersissuteqarnissaannik kommuni qinnuteqartussaavoq.

Pissutsit atuuttut

Sisimiuni pisortaqarfiup ilinniartitaanermullu allatseqarfiini pisortatut atorfiit atorfiupput, illuatu-ngaatigullu Maniitsumi minnerpaamik allaffimmi fuldmægtigitut atorfiullutik. Matumani naller-suussinissami ilaqutariinnermut allatseqarfiini pisortap tullersortaatus atorfeqartitsisoqarneratigut taanna allaanerulaarpoq.

Allatseqarfinnut allanut sanilliullugu teknikkimut avatangiisinullu allatseqarfinni pisortatut atorfiit taama qaffasitsigisumik inississimanngilaat. Taamaasilluni Sisimiuni pisortaq fuldmægtigitut atorfeqarpoq, Maniitsumilu pisortaq overassistentitut atorfeqarluni.

Teknikkimut avatangiisinullu allatseqarfiini suliassatigut akisussaaffiit allatseqarfinni allani akisus-saaffinnut sanilliullugit assigiimmata, taama assigiinngissitsinissamut tunngavissaqarsorinanngilaq. Tamatuma saniatigut suliassat nutaat kingunerisaannik, pingaartumik Sisimiuni soorlu Qimatuliviup aningaasaqarneranik aqutsinermik kiisalu illoqarfiup alliarthonera ilutigalugu ingerlatsinermut sanaartormermullu suliassat annertusiartornerini akisussaaffiit annertusisimapput.

Aningaasaqarnikkut allaffissornikkullu kingunerisinnaasai

Teknikkimut avatangiisinullu Sisimiuni allatseqarfinni fuldmægtigitut atorfiup pisortatut qaffanne-qarnissaa, Teknikkimullu avatangiisinullu Maniitsumi allatseqarfiini overassistentitut atorfiup kontorfuldmægtigimut qaffanneqarnissaa ukiumut 50.000 kr.-inik annerusumik aningaasartuutaasassaaq.

Aningaasartuutit taakku allatseqarfiup akissarsianut atugassarititaasa iluini aningaasartuutigineqar-sinnaapput, atorfiillu qaffanneqarnerat 2009-mi januaarip aallaqqataani atuuttariaqarlutik.

Allaffeqarfiup naliliinera

Allaffeqarfiup nalilerpaa, naak suliassat akisussaaffiillu annertullutillu annertusisimagaluartut teknikkimut avatangiisinullu allatseqarfiini pisortatut atorfiit taama appasitsigisumik inissisimanerat ajuusaarnartoq. Tamatuma kingunerisaanik kommunimi allatseqarfinnut allanut sanilliusilluni teknikkimut avatangiisinullu allatseqarfiini sulisussatigut kajungerilersitsinissaq sulisullu piginnar-neqarnissaat ajornakusoornerussaaq. Tamanna teknikkimut avatangiisinullu ingerlanneqarneranut ineriartortinneqarnissaanullu akimmiffiussaaq.

Aningaasaqarnermut ataatsimiitaliami suliap sularinera

Aningaasaqarnermut ataatsimiitaliap apriiip 16-ani 2009-mi ataatsimiinnermini suliaq sularivaa.

Innersuussut

Aningaasaqarnermut ataatsimiitaliap Kommunalbestyrelsimit akuerisassanngorlugu innersuussuti-gissavaa,

Teknikkimut avatangiisinullu Sisimiuni allatseqarfiani atorfik pisortatut atorfittut, Maniitsumilu allaffimmi fuldmægtigitut atorfittut qaffanneqassat.

Aalajangiineq

Innersuussutigineqartoq akuersissutigineqarpoq.

Ilanngussaq

Ilanngussaqanngilaq

**Imm. 15 Sanaartornermi aningaasat 2008-mi atunngitsuukkat 2009-mut nuutsinneqarnis-
saat**

Journalnr. 06.03.01

Tunuliaqutaq

Ilanngussami takuneqarsinnaasutut sanaartornermi suliat ingerlasut pillugit sanaartornermi aningaasat 2008-mi atunngitsuukkat (sippuillunilu atorneqarsimasut) 2009-mut nuunneqarnissaannik siunnersuut, Teknikkimut avatangiisinullu immikkoortortami sanaartornermi immikkoortorta qarfiup matumuuna nassiuppai.

Sanaartornermi suliat amerlanersaat isumaqatigiissusiorfigineqarsimapput.

Sanaartornermi aningaasat atunngitsoorneqarsimasut pillugit ukioq kingulleq entreprenørit sanaartukkanik naammassinnissimanginnerat imaluunniit naammassinnissinnaasimanginnerat tunuliaqutaralugu sanaartornermi aningaasat atunngitsuukkat nuunneqarnissaannik pisariaqalersitsivoq. Sanaartornermi aningaasat sippuilluni atuiffiusimasut eqqarsaatigalugit, missingersuusiornermut atatillugu sanaartukkat amerlanerusut 2009-mi isumannaarneqarnissaannik naatsorsuutigineqarsimanermik patsiseqarpoq. 2009-mi missingersuusiornermi aningaasaliissutinut nuutsitsinissarli siunneqanngitsumik nuutsinerussaag.

Maleruagassatigut tunngavissat

Karseqarnermut naatsorsuuserinermullu malittarisassaag.

Pissutsit atuuttut

Sanaartornerit suut pineqarnerisut ilanngussami takuneqarsinnaavoq. Erseqqissaatigineqassaag, Sisimiuni kontut ilanngussami taakkartorneqartut 2009-mut missingersuutinut tunngammata, illua-tungaattillugi Maniitsumi kontut ilaat Qeqqata missingersuutaannut sulii ilanngunneqarsimanginnamik 2008-mut tunngammata.

Aningaasaqarnikkut allaffissornikkullu kingunerisinnaasai

Sanaartornermi suliaq isumaqatigiissusiorfigineqarsimasut naammassineqarnissaannik kommune pisussaaffeqarpoq.

Allaffeqarfiup naliliinera

Sanaartornerit 1 mill. kr.-it sinnerlugit naleqartut naammassineqaraangata, sanaartornermi naatsorsuutit suliarineqartarput.

Teknikkimut avatangiisinullu immikkoortortap innersuussutaa

Teknikkimut avatangiisinullu immikkoortortap innersuussutigaa, teknikkimut avatangiisinullu ataatsimiititaliap akuersissutigissagaa, sanaartornermilu aningaasat atunngitsuukkat 2008-mit 2009-mut nuunneqarnissaat aningaasaqarnermut ataatsimiititaliamit kommunalbestyrelsimiillu akuersis-sutigineqartussanngorlugu ingerlateqqissagaa.

***Kommunalbestyrelsip apriliip 29-ani 2009-mi ileqquusumik ataatsimiinnerata 02/2009-p
imaqarniliornera***

Teknikkimut avatangiisinullu ataatsimiititaliap suliamik suliarinninnera

Teknikkimut avatangiisinullu ataatsimiititaliap 2009-mi apriliip aappaani ataatsimiinnermini immikkoortortap innersuussutaa akuersissutigaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap apriliip 16-ani 2009-mi ataatsimiinnermini suliaq suliarivaa.

Innersuussut

Kommunalbestyrelsimut innersuussutineqarpoq Ilanggussaq 1 naapertorlugu sanaartornermi aningaasat 2008-mi atunngitsuukkat 2009-mut nuutsinneqarnissaat akuersissutigineqassasoq.

Aalajangiineq

Innersuussutigineqartoq akuersissutigineqarpoq.

Ilanggussaq

1. Sanaartornermi aningaasat 2008-mi atunngitsuukkat (imaluunniit annerusumik atorneqarsimasut) nuutsinneqarnissaat.

Imm. 16 Qeqqata Kommuniani maleruagassat

Journalnr. 02.10.01

Tunuliaqutaq

Pisortat nalunaarsutaat pillugit inatsit nr. 294, 1978-imi juunip 8-neersoq naapertorlugu Kalaallit Nunaanni nalunaarsuutit pilersinneqarlutillu ingerlanneqarput.

Nalunaarsuutit pillugit inatsimmi § 6-imi imm. 2-mi allassimavoq, nalunaarsuutit kommunimit oqartussaaffigineqartut, kommunalbestyrelsip ataatsimiissimaneranit aalajangiinertiguinnaq pilersinneqarsinnaasut.

Tamatuma saniatigut imm. 2-mi allassimavoq, nalunaarsuutit atulersinneqannginnerini, nalunaarsuutit pillugit inatsisip kapitali 3-anit 6-iat tikillugu aalajangersakkanik naapertuuttumik nalunaarsuutit pilersinneqarnissaannut atorneqarnissaannullu kommunalbestyrelsi imaluunniit kommunimi oqartussaasoq maleruagassanik aalajangersaaqqaassasoq.

Maleruagassatigut tunngavissat

Pisortat nalunaarsutaat pillugit inatsit nr. 294, 1978-imi juunip 8-neersoq.

Pissutsit atuuttut

Kommunit kattunnerinut atatillugu Sisimut Maniitsullu kommunitoqaanni nalunaarsuutit Qeqqata Kommuniata nalunaarsuutaannut 2009-mi januaarip aallaqqaataani ilanngunneqarput. Inatsit naapertorlugu nalunaarsuutit pilersinneqarnissaannut atorneqarnissaannullu maleruagassanik aalajangersaaqqaartoqartussaavoq.

Paasissutissanik nakkutilliisut (siusinnerusukkut: Registertilsynet) kommunini nutaani nalunaarsuutissanut maleruagassiornissamut ikiorsersinnaallugit neqerooruteqarluni, Kalaallit Nunaanni kommunerujussuannngortussanut 2008-mi saaffiginnissuteqarput. Paasissutissanik nakkutilliisut immikkoortunut assigiinngitsunut, inatsisitigut piumasaqaatinik naammassinnittunik, kommuniniillu annikitsuinnartigut naleqqussarneqartussanik maleruagassiorsimapput.

Sisimiunit Maniitsumiillu nalunaarsuutit suut nuunneqassanersut, nalunaarsuutininut maleruagassatigut nassuiarneqarput. Tamatuma saniatigut nalunaarsuutit paasissutissanik sunik imaqassanersut, qanoq atorneqassanersut, qanoq toqqortaatigineqassanersut atonerlunneqaratarnissaannullu qanoq isumannaarneqassanersut maleruagassani allassimavoq.

Qeqqata Kommuniani immikkoortut (Sulisoqarnermut immikkortortaq, Aningaasaqarnermut immikkoortortaq, Ilinniartitaanermut immikkoortortaq, Ilaqutariinnut immikkoortortaq aamma Teknikkimut avatangiisinullu immikkoortortaq), Paasissutissanik nakkutilliisut maleruagassiaannik immikkoortuminnut naleqqussaasimapput, tassuunakkut nalunaarsuutissanut maleruagassatut siunnersuutit Qeqqata Kommuniata nutaamik aaqqissuussaananeranut, nalunaarsuutissaanut nalunaarsuutillu atorneqarnissaannut iliuusissanullu naapertuussinnaaqqullugit.

Pisortaqatigiit 2009-mi februaarip 24-ani ataatsimiinnerminni, nalunaarsuutininut maleruagassat politikikkut akuersissutigineqarnissaannut ingerlateqqinneqassasut akuersissutigaaat.

Maluginiaqquneqassaaq, isumannaallisaanermut tunngasut karseqarnermut naatsorsuuserinermullu malerugassanut nutaanut ilaasutut aalajangersarneqartussaanagerat, kukkunerisuiisullu peqatigalugit suliarineqartussaanagerat, Aningaasaqarnermut immikkoortortap paasissutissiissutigimmagu.

Nalunaarsuutitut maleruagassat politikikkut akuersissutigineqareerpata, maleruagassat Paasissutissanik nakkutilliisunit akuerineqarnissaannut nassiunneqassapput.

Aningaasaqarnikkut allaffissornikkullu kingunerisinnaasai

Nalunaarsuutitut maleruagassat akuersissutigineratigut Qeqqata Kommunianut aningaasaqarnikkut allaffissornikkulluunniit kinguneqassanngitsoq nalilernerqarpoq.

Allaffeqarfiup naliliinera

Paasissutissanik nakkutilliisut nalinginnaasumik maleruagassiornikuummata, nalunaarsuutitut maleruagassat inatsisitigut piumasaqaatinik naammassinnittutut allaffeqarfiup nalilerpaa.

Qeqqata Kommuniani immikkoortut tamarmik nalunaarsuutitik atuisut maleruagassanik naleqqusaanikuummata, Qeqqata Kommuniani nalunaarsuutit suut ingerlanneqarnersut kiisalu nalunaarsuutit paasissutissanik sunik imaqarnersut, soorluttaaq isumannaallisaanermut kommunip suleriaasia maleruagassatigut ersimmat allaffeqarfiup nalilerpaa, nalunaarsuutitut maleruagassat qanoq atorneqarnissaannik paasissutissiilluartut.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap marsip 10-ani 2009-mi ataatsimiinnermini suliaq suliarivaa.

Innersuussut

Maleruagassat kommunalbestyrelsimit akuersissutigineqarnissaannut Aningaasaqarnermut ataatsimiititaliap ingerlateqqippai.

Aalajangiineq

Innersuussutigineqartoq akuersissutigineqarpoq.

Ilanngussat

1. Qeqqata Kommuniani upalungaarsimasussaataaneq pillugu maleruagassatut siunnersuut
2. Ineqarnermut tapiissutit pillugit maleruagassatut siunnersuut
3. Ilaqutariinnut tunngasutigit maleruagassatut siunnersuut
4. Inuit nalunaarsuiffiat pillugu maleruagassatut siunnersuut
5. Sulisoqarnermut tunngasutigit maleruagassatut siunnersuut
6. Ilinniarttaanermut tunngasutigit maleruagassatut siunnersuut
7. Aningaasaqarnermut naatsorsuutinullu tunngasutigit maleruagassatut siunnersuut

**Imm. 17 Aningaasanik nammineq atugassanngortitanik nunaqarfinni aqutsisut atuinis-
saannik ilitsersuut**

Journalnr. 01.10.01

Tunuliaqutaq

Qeqqata Kommuniani kommunalbestyrelsip kommunimi siunissami nunaqarfinni aqutsisut aningaasanik nammineq atugassittassagai siunertaavoq. Nunaqarfinni Aqutsisut aningaasaliissutit aqutsinermi inatsit naapertorlugu atugassarissavaat. Immikkoortortaqrúup atuinissamik ilitsersuutissatut siunnersuut suliarivaa, tassa nunaqarfinni aqutsisut qanoq/sumut aningaasat atorsinnaaneraat pillugu.

Maleruagassatigut tunngavissaq

Kommunit aqunneqarnerat pillugu inatsisartut inatsisaat nr. 14 af 5. december 2008-meersup § 53, imm. 2-a.

Pissutsit atuuttut

Aqutsinermut inatsimmi § 53-imi imm. 2-mi tullinnguuttut allassimavoq:

Kommunalbestyrelsi aningaasanut missingersuusiani aningaasanik immikkoortitsinnaavoq, nunaqarfinni aqutsisut nammineerlutik aalajangiinermi atugassaanik makkunani:

- 1) Kulturimut inunnillu paasisitsiniaanermut.
- 2) Timersornermut tunngasunut.
- 3) Teknikkikkut ingerlatsivinnut pilersuinemullu.
- 4) Nunaqarfinni inuutissarsiutinut tunngasunik suliniutinut.
- 5) Isumaginninnermi suliassanut.

Aalajangersagaq marlunnik oqariartuuteqarpoq. Siullermik kommunip missingersuusiornermi nunaqarfinni aqutsisut ingerlatsinermi tapiissutinik tunisinnaallugit. Aappaattullu maleruagassat oqaatigivaat, nammineq atugassaattut aningaasaliissutit qanoq atorneqarnissaat. Nunaqarfinni aqutsisut aningaasat sumut atorsinnaaneraat pillugit takussutissaq sukumiisumik suliaavoq, taamaalilluni immikkoortut taakku tallimat aalajangersakkami eqqaaneqarsimasut saniatigut, nunaqarfinni aqutsisut siunertanut sammisassanullu allanut aningaasanit nammineq atugassanit atuisinnaanngillat.

Nunaqarfinni aqutsisut allaffeqrarfianik nalinginnaasumik ingerlatsinermut aningaasanit nammineq atugassanit atuisoqarnissaa siunertaanngilaq, assersuutigalugu oqarasuaammut akiligassat, allaffimmi atortussanut aningaasartuutit, KANUNUPE-mut akiliutissanut, sulisut nalinginnaasumik pikkorissarnissaannut, nunaqarfinni aqutsisut ataatsimiinnissaannut, sulinermut atatillugu angalanermut angalanermilu unnuisarfinni unnuinermut kiisalu nunaqarfinni aqutsisut allaffiata kiassarneqarneranut akiligassat taakkunannga akilerneqartussaannngillat. Tamakkunuuna aningaasartuutissat, nunaqarfinni aqutsisut allaffianik ingerlatsinissamut nalinginnaasumik missingersuutitigut matussuserneqartussaapput. Pineqartunut aningaasartuutissat aningaasanit nammineq atugassanit matussuserneqarsinnaanatillu matussuserneqartussaannngilat.

Aningaasat nammineq atugassat kommunalbestyrelsip immikkoortissimasai nunaqarfinni aqutsisut atoreersimappatigut, aningaasanut atatillugu nunaqarfinni aqutsisut aalajangiisinnaajunnaassapput. Aallaavittut aningaasanut nammineq atugassanut attuumassuteqarlutik sammisassanut, immikkut aningaasaliisoqarnissaanik qinnteqartoqarsinnaanngilaq.

Aningaasat nammineq atugassat pillugit inatsimmi allassimasoq malillugu atorneqassapput, tassalu kommunip pisinnaatitaaneranut inatsit maleruagassallu nalinginnaasut naapertorlugit. Nunaqarfinni aqutsisut aningaasat nammineq atugassanngortitat sumut atorsinnaaneranut malittari-sassat taakku ilaatigut qanoq periarfissiinerinik ataani nassuiarneqarput. Sammisassamut aalajanger-simasumut qanoq aningaasanik atuinissamik nunaqarfinni aqutsisut nalornissuteqarunik, nunaqar-finni aqutsisut sukkulluunniit qullersaqarfinnut saaffiginnissuteqarsinnaapput ilitsersorneqarnissamik piunasaqarlutik.

Ilitsersuutissatut siunnersuut ullumikkut nunaqarfinni aqutsisunut tusarniutaanikuuvoq. Kangaamiu-ni, Napasumi Sarfannguanilu Nunaqarfinni Aqutsisut akissuteqarnikuupput. Taakku pingasut nunaqarfinni aqutsisuisa siunnersuut akuersaarpaat.

Aningaasaqarnikkut allaffissornikkullu kingunerisinnaasai

Ilitsersuutikkut nunaqarfinni aqutsisunut ersarinnerusumik malitassaqaalersitsissaaq, tassa aningaasa-liissutit qanoq/sunut atorneqarsinnaanerisigut. Tamanna nunaqarfinni aqutsisunut qitiusumillu immikkoortortamut allaffissornikkut oqilisaataassaaq.

Allaffeqarfiup naliliinera

Ilitsersuut nunaqarfinni aqutsisunut qitiusumillu immikkoortortamut allaffissornikkut oqilisaataa-sussatut nalilerneqarpoq.

Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap marsip 10-ani 2009-mi ataatsimiinnermini aningaasanik nammineq atugassanngortitanik nunaqarfinni aqutsisut atuinissaannik ilitsersuutip tusarniutiginnissaa akuersissutigivaa.

Innersuussut

Nunaqarfinni aqutsisunut aningaasanik nammineq atugassanngortitaannik atuinissamik ilitsersuu-tissatut siunnersuut kommunalbestyrelsimut akuereqqullugu innersuussutigineqassaaq.

Aalajangiineq

Innersuussutigineqartoq akuersissutigineqarpoq.

Ilanngussat

Aningaasanik nammineq atugassanngortitanik nunaqarfinni aqutsisut atuinissaannik ilitsersuutissatut siunnersuut

2. Sarfannguaniiit, Kangaamiuniit kiisalu Napasumiit tusarniummut akissuteqaatit.

Imm. 18 Qeqqata Kommuniani taxanik ingerlatitsinermi kommunip ileqqoreqqusaa

Journalnr. 70.03.16

Tunuliaqutaq

Taxanik ingerlatsineq pillugu politiit nalunaarutaat aallaavigalugu, taxanik centralimillu ingerlatitsineq pillugit Sisimiut Maniitsullu Kommunii tamarmik immikkut ileqqoreqqusaqarnikuupput.

Kommunit kattunneqarnerinut atatillugu Qeqqata Kommuniani taxanik centralinillu ingerlatsinermut ataatsimoortumik ileqqoreqqusaqarnissaq pisariaqarsorinarpoq.

Maleruagassatigut tunngavissat

Sisimiut Kommuniani taxanik ingerlatsinermi il.il. nalunaarummi apriliip 11-ani 1980-imeersumi § 14-imi, imm. 1 aamma Maniitsoq Kommuniani taxanik ingerlatsineq pillugu politiit nalunaarutaanni marsip aappaani 1979-imeersumi § 14-imi imm. 1.

Pissutsit atuuttut

Qeqqata Kommuniani taxanik centralinillu ingerlatsineq pillugu nutaamik ileqqorisassatut ingerlat-sivik siunnersuusiornikuuvoq.

Sisimiut Kommuniani aamma Maniitsup Kommuniani ileqqoreqqusat atuuttut aallaavigalugit siunnersuut suliarineqarpoq.

Taxanik ingerlatitsinissami akuersissutit qassit pigineqarsinnaanersut ileqqoreqqusatigut aalajanger-sarneqarani Kommunalbestyrelsip susassaqarfiiniitineqarpoq. Maannakkut Maniitsumi taxanik ingerlatitsinnaanermi akuersissutit 20-upput, Sisimiuni 25-t Kangerlussuarmilu marluk.

Ileqqoreqqusaaq naapertorlugu illoqarfinni nunaqarfimmilu immikkut utaqqisut allattorsimaffianik pilersitsisoqassaaq, imaappoq Sisimiuni utaqqisut allattorsimaffiat ataaseq, Maniitsumi aamma ataaseq, taamatullu Kangerlussuarmi ataaseq.

Tamatuma saniatigut centralimik pilersitsinissamut, qanorlu iluarsineqarnissaannut piumasaqaa-siortoqassaaq. Ileqqoreqqusat atuuttut eqqarsaatigalugit siunnersuutitigut allannguutituassaaq tassaa-voq, Maniitsumi taxat centralimut attaveqartussat tallimaanissaanik piumasaqaataasoq arfineq-pingasunngortinneqassammat. Akuersissutit centralinillu illoqarfinni assigiinnissaat anguniarlugu taamatut allannguuteqartitsisoqarpoq.

Tamatuma saniatigut akuersissummik piginnittut akisussaaffinik kiisalu taxanik ingerlatitsisunut piumasaqaatinik ileqqoreqqusassat imaqarpoq.

Kiisalu aalajangersakkanik unioqutitsisoqartillugu Kommunalbestyrelsi akuersissummik arsaarin-nississaaneranik ileqqoreqqusatigut aalajangerneqarpoq.

Aningaasaqarnikkut allaffissornikkullu kingunerisinnaasai

Siunnersuut Qeqqata Kommunianut aningaasaqarnikkut allaffissornikkullu annerusumik kingune-qartussaannigitsutut nalilerneqarpoq. Maannakkut ingerlatat ileqqoreqqusami nutaami ingerlatiin-narneqassapput.

Allaffeqarfiup naliliinera

Allaffeqarfiup nalilerpaa, Qeqqata Kommuniani ileqqoreqqusassap akuersissutigineqarneranut atatillugu taxanik ingerlatitsisarnermi pissutsit naapertuuttunngorsarneqarnissaat siunertaalluortoq.

Teknikkimut avatangiisinullu immikkoortortaqaqarfiup innersuussutaa

Teknikkimut avatangiisinullu immikkoortortaqaqarfiup innersuussutigaa, Qeqqata Kommuniani taxanik ingerlatsisinnanermut kommunip ileqqoreqqusassaatus siunnersuut teknikkimut avatangiisinullu ataatsimiititaliap akuersissutigissagaa aningaasaqarnermullu ataatsimiititaliamut kommunalbestyrelsimullu akuersissanngorlugu ingerlateqqissagaa

Teknikkimut avatangiisinullu ataatsimiititaliap suliamik suliarinninnera

Teknikkimut avatangiisinullu ataatsimiititaliap 2009-ine marsip 3-ani ataatsimiinnermini immikkoortortaqaqarfiup innersuussutaa akuersissutigaa.

Innersuussut

Teknikkimut avatangiisinullu ataatsimiititaliap Kommunalbestyrelsimut akuereqqullugu innersuussutigaa

Qeqqata Kommuniani taxanik ingerlatsisinnanermut kommunip ileqqoreqqusassaatus siunnersuut

Aalajangiineq

Innersuussutigineqartoq taasinikkut akuersissutigineqarpoq.

Akuersisut: 13-t

Taaseqataannngitsut: 1 (Palle Christiansen)

Akerliusut: 0

Ilanngussat

1. Qeqqata Kommuniani taxanik ingerlatsineq pillugu kommunimi ileqqoreqqusassaatus siunnersuut
2. Sisimiuni Maniitsumilu taxanik ingerlatsinermi nalunaarutitigut maleruagassat atuuttut
3. Sisimiut Kommuneani kommunimi ileqqoreqqusaaq atuuttoq
4. Maniitsoq Kommuneani kommunimi ileqqoreqqusaaq atuuttoq

Imm. 19 Qeqqata Kommuniani aningaasanik ikisilluni pinnguaatinut akuersissutininik tunniussisarnermi najoqqutassiat

Journalnr. 70.03.10

Tunuliaqutaq

Kommunit kattunnerannut atatillugu aningaasanik ikisilluni pinnguaatinut akuersissutininik tunniussisarnermi najoqqutassiornissaq pisariaqarpoq, taamaalilluni kommunimi tamarmi akuersissummik tunniussisarnissami assigiimmik periuseqarnissaq anguniarlugu.

Maleruagassatigut toqqavissat

aningaasanik ikisilluni pinnguaatinut akileraarutit pillugit Inatsisartut inatsisaat nr. 3, 17. maj 1990-imeersoq, "pinnguaatit aningaasanoorutit" pillugit Namminersornerullutik Oqartussat nalunaarutaat nr. 31, 17. december 1996-imeersoq, kiisalu "pinnguaatit aningaasanoorutit" pillugit Namminersornerullutik Oqartussat ilitsersuut decembarip 13-ni 1994-imi suliarineqartoq.

Pissutsit atuuttut

Illoqarfimmi innuttaasut inuiaqatigiittut ataatsimoortumik nalilernerat aallaavigalugu, kommunalbestyrelsi akuersissutininik tunniussisassaaq.

Qeqqata Kommuniani aningaasanik ikisilluni pinnguaatinut akuersissutininik tunniussisarnermi najoqqutassiatut siunnersuummi Sisimiut Kommuneani ullumikkumut najoqqutaasimasut aallaavigineqarput, tassa Maniitsup Kommuneani aningaasanik ikisilluni pinnguaatit pillugit immikkut ileqqoreqqusassiuussisoqarsimanngimmat.

Najoqqutassatut siunnersuummi takuneqarsinnaavoq:

- kommunalbestyrelsip najoqqutassat naapertorlugit akuersissutininik tunniussisusaatitaanini allaffeqarfimmut isumagisassanngortinnikuugaa (tamatumani qullersaqarfiup allatseqarfi pineqarluni), tassa aningaasanik ikisilluni pinnguaatinut akileraarutit pillugit Inatsisartut inatsisaat nr. 3, 17. maj 1990-imeersoq kingusinnerusuk allannguutaasut ilanngullugit, "pinnguaatit aningaasanoorutit" pillugit Namminersornerullutik Oqartussat nalunaarutaat nr. 31, 17. december 1996-imeersoq, najoqqutassallu naapertorlugit ingerlatisoqassasoq piumasaralugu,
- kommunalbestyrelsip Qeqqata Kommuniani akuersissutit qassiunissaat aalajangersagassarigaa
- inip inissiiffiusussap initussusia tunngavigalugu akuersissutininik tunniussisoqartassasoq
- akuersissutaasinnaasunik sippuisussamik qinnuteqaammik tiguisoqassagaluarpat, qinnuteqaatit ataasiakkarlugit kommunalbestyrelsimi suliasanngorlugit saqqummiunneqassasut.
- Qinnuteqaatit saaffiginnissutillu allat tiguneqarpata, tassa allaffeqarfiup pisinnaatitaanerata avataaniittut, suliasallu nalorninaateqartut, aningaasaqarnermut ataatsimiititaliamut kommunalbestyrelsimullu ataasiakkaatut suliasanngorlugit saqqumiunneqassapput.
- kommunalbestyrelsip ataatsimiinnerani ataavartumik qinnuteqaatinik akuersissutinillu tunniussisarnernik ilisimatinneqartassasoq.

**Kommunalbestyrelsip apriliip 29-ani 2009-mi ileqquusumik ataatsimiinnerata 02/2009-p
imaqarniliornera**

- akuersissut ukiuni marlunni atuuttussatut tunniunneqassaaq aalajangersimasumillu inissinneqarnissaanut ilanngullu illup B-nr.-ua allanneqassalluni.
- kommunalbestyrelsip akuersissut aqqutigalugu aningaasanik ikisilluni pinnguaatit aammasarfissaat aalajangersarsinnaagaa
- qinnuteqartoq aningaasanik ikisilluni pinnguaatinut akileraarutitigut akiitsoqarpat, akuersissummik tunineqarsinnaanngilaq.
- annertuunik arlaleriarluniluunniit tulliuuttutigit unioqqutitsisoqarsimappat kommunal-bestyrelsip akuersissut atorunnaarsissinnaavaa:
 - o Siumoortumik mianersoqqussuteqarnerup kingorna:
 - § Akuersissut aningaasanik ikisilluni pinnguaammi ersittumut ikkunneqarsimanngippat
 - § Inuit 18-it inorlugit ukiullit iluanaarniutigalugit pinnguaatinik atuisarpata.
 - § Kommunalbestyrelsip ammarsarfissatut aalajangersagai unioqqutinneqarpata
 - o Siumoortumik mianersoqqussutitaqanngitsumik:
 - Aningaasanik ikisilluni pinnguaammik/-tinik inissiinissamut akuersinermi tunngaviusut allannguuteqarsimanerat kommunalbestyrelsimut nalunaarutigineqanngippat, aningaasanillu ikisilluni pinnguaat inigisaminit nuunneqarsimanngippat.
 - Aningaasanik ikisilluni pinnguaatip akuersissuteqarfiusup allamut nuunneqarnera sioqqullugu kommunalbestyrelsimut akuersissummik qinnuteqartoqarsimanngippat.
 - Allatigut atorerluineq (soorlu aningaasanik ikisilluni pinnguaatinik piginnittoq akuersissutinik arlalinnik tunineqarnermi kingorna, pinnguaammik imaluunniit arlalinnik akuersissuteqanngitsumik ikkusseqqittoq).

Kommunalbestyrelsip aalajangiinera sapaatit akunneri sisamat qaangiutsinnagit Naalakkersuisunut ingerlateqqinneqarsinnaavoq.

Aalajangiinermi qinnuteqartoq tamakkiisumik taperserineqanngippat/ akuerineqanngippat Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersumi § 25, aammalu aningaasanik ikisilluni pinnguaatinut akileraartarneq pillugit Inatsisartut inatsisaat nr. 3, 17. maj 1990-imeersumi § 9, naapertorlugit Naalakkersuisunut maalaaruteqarsinnaaneranik ilitersuinissaq Kommunalbestyrelsip pisussaaffigaa.

Inunnut, aningaasanik ikisilluni pinnguaatinut akuersissutinik atuuttunik ullumikkut pigisaqartunut, malittarisassat manna tikillugu atuuttut atuutiinnassapput.

Najoqqutassiat siuliani allasimasut allanngortinniarnerni / ilanngussiniarnerni allannguutissatut siunnersuutit kommunalbestyrelsimi oqaluuserineqarnissaat sioqqullugu Kalaalli Nunaanni Sulisitsisut peqatigiiffiat kiisalu Akileraartarnermut pisortaqaarfik tusarniaavigineqassapput, tusarniaaneq qaammammik ataatsimik sivissussilerlugu.

Allannguutissat/ilanngussassat kommunalbestyrelsimi akuerineqarnissaat pisariaqarpoq.

Aningaasanik ikisilluni pinnguaatit amerlassusissaasa aalajangersaaffiginerat
Siusinnerusukkut Sisimiut Kommuneani kommunalbestyrelsip aalajangersaaffigisimavaa, aningaasanik ikisilluni pinnguaatinut akuersissutit 39-unissaat. Taakkunanga 36-t akuerineqarsimallutik. Taakkuninngalu 25-t Sisimiut illoqarfianniillutik.

Siusinnerusukkut Maniitsup Kommuneani kommunalbestyrelsip aalajangersaaffigisimavaa, aningaasanik ikisilluni pinnguaatinut akuersissutit 4-nissaat. Taakkunanga 4-t akuerineqarsimallutik. Taakkulu tamarmik Maniitsup illoqarfianniillutik.

Allaffeqarfiup taperserlugu innersuussutigissavaa, siusinnerusukkut Sisimiut taamatullu Maniitsup Kommuneni akuersissutaasimasut Qeqqata Kommuniani ingerlatiinnerneqassasut, taamaalilluni Qeqqata Kommuniani aningaasanik ikisilluni pinnguaatit 39 + 4= 43-t akuersissutaqasinnaallutik.

Aningaasanik ikisilluni pinnguaatit ammasarnissaat

Kommunalbestyrelsip aningaasanik ikisilluni pinnguaatit ammarsarfissaat aalajangersarsinnaavaa. Tamanna pissusissamisoorinarpoq, taamaalilluni innuttaasut ulloq unnuarlu aningaasanik ikisilluni pinnguarsinnaanissaat killilerneqassamat.

Allaffeqarfik naliliivoq, aningaasanik ikisilluni pinnguaatit ullut tamaasa ullup-qeqqaniit inissiiviup matunissaata tungaanut ammasarnissaat, unnukkulli kingusinnerpaamik qulit tungaanut akuersaar-nartuusoq. Inissiivik qulit kingorna matusarpat siunnersuutigineqassaaq, aningaasanik ikisilluni pinnguaatit qulinut qaminneqartassasut.

Najoqqutassatut siunnersuut Kalaalli Nunaanni Sulisitsisut peqatigiiffiat kiisalu Akileraartarnermut pisortaqarfik tusarniaassutaanikuuvoq.

Aningaasaqarnikkut allaffissornikkullu kingunerisinnaasai

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, aningaasanik ikisilluni pinnguaatit pillugit akuersissuteqartarnissami najoqqutassaqaarnissaaq pisariaqartoq, taamaalilluni qinnuteqaatit assigiimmik suliarineqarsinnaaqullugit.

Innersuussut

Innersuussutigineqassaaq kommunalbestyrelsip akuersissutigissagai

- Qeqqata Kommuniani aningaasanik ikisilluni pinnguaatinut akuersissutinik tunniussisarnermi najoqqutassiat.

Aaalajangiineq

Suliassaq uterfigineqassaaq ataatsimiititaliat susassaartut (ilaqutariinnut ataatsimiititaliaq aammalu aningaasaqarnermut ataatsimiititaliaq) oqaaseqarteriarlugit.

Ilanngussat

1. Qeqqata Kommuniani aningaasanik ikisilluni pinnguaatinut akuersissutinik tunniussisarnermi najoqqutassiatut siunnersuut.
2. Tusarniaanermut akissutit pillugit allakkiaq.

Imm. 20 Tjenestemandit inatsisaata allangortinnissaani tusarniutaanera

Journalnr. 03.01

Tunuliaqutaq

Kanukoka-p februaarip 27-ani 2009-mi allakkatigut tjenestemandit pillugit inatsisartut inatsisaata allangortinneqarnissaanut siunnersuut kommuninut tusarniutitut nassiuppaa, akissuteqarfissaq marsip 24-anut 2009-mut killilerlugu.

Maleruagassatigut tunngavissaq

Kalaallit Nunaanni Namminersornerullutik Oqartussani kommuninilu tjenestemandit pillugit inatsisartut inatsisaanni nr. 21, 18. december 2003-meersup allangortinnissaa siunnersuuteqarfingearpoq.

Pissutsit atuuttut

Allanguutissatut siunnersuutit inatsisissatut siunnersuummut oqaaseqaatini tulleriissaagaapput, tak. ilangussaq 1 Kalaallit Nunaanni Namminersornerullutik Oqartussani kommuninilu tjenestemandit pullugit Inatsisartut inatsisaannut nr. 21-mut decembarip 18-ni 2003-meersumut allanguutissatut inatsisissatut siunnersuut

Nr. 1-mut

Aalajangersakkami § 6, imm. 4-mut tunngatillugu, atorfimmik inuttassarsiueq pillugu malittarisassanit allaasumik pisoqarsinnaaneranut apeqqummut Aningaasarsiaqartitsineq pillugu Sinnersuisoqatigiit oqaaseqaataannik piniartoqaqqissanngittoq siunnersuutigineqarpoq. Suleriaatsimi atorfinitsitsisarnermi oqartussaasut aamma sammineqartumi isumaqatigiissutit apeqqummut illuinnaasiortumik aalajangiisarput.

Nr. 2-mut

Aalajangersakkami § 9, imm. 2-mut tunngatillugu, misiligummik atorfeqareerluni ataavartumik atorfinitsitsineq pillugu malittarisassanit allaasumik pisoqarsinnaaneranut apeqqummut Aningaasarsiaqartitsineq pillugu Sinnersuisoqatigiit oqaaseqaataannik piniartoqaqqissanngittoq siunnersuutigineqarpoq. Suleriaatsimi atorfinitsitsisarnermi oqartussaasut aamma sammineqartumi isumaqatigiissutit apeqqummut illuinnaasiortumik aalajangiisarput.

Nr. 3-mut

Aalajangersakkami § 16 imm. 2,-mut tunngatillugu, sulisunut inissiat aaqqissuunneqarnerat pillugu malittarisassat aalajangersarneqarnerat pillugu apeqqummut Aningaasarsiaqartitsineq pillugu Sinnersuisoqatigiit oqaaseqaataannik piniartoqaqqissanngittoq siunnersuutigineqarpoq. Suleriaatsimi atorfinitsitsisarnermi oqartussaasut aamma sammineqartumi isumaqatigiissutit apeqqummut illuinnaasiortumik aalajangiisarput.

Nr. 4-mut

Aalajangersakkami § 31-mut tunngatillugu, 65-nik ukioqalerfimmi soraartussaataanerup atorunnaarsinneqarnissaa siunnersuutigineqarpoq. Taarsiullugu ukioq soraarfissaq sulisup atorfinitsitsisarnermilu oqartussaasut akornanni isumaqatigiissutitut apeqqutinngussaaq.

Nr. 5-mut

Aalajangersakkami § 35-mut tunngatillugu siunnersuutigineqarpoq, Atorfinitsitseriaatsip ”ukiuni killilinni tjenestemandinut assingusumik atorfinitsitsinerup” atorneqarsinnaanerata akuerineqarsinnaanera atorunnaarsinneqassasoq, atorfinitsitseriaaserlu alla, t.i. isumaqatigiissutit malillugit atorfinitsitsineq imaluunniit inunnik ataasiakkaanik isumaqatigiissut, tassani isumaqatigiissutit malillugit atorfinitsitsineq periarfissaqanngippat, taarsiullugu atorneqassaaq.

Nr. 6-mut

Aalajangersakkami § 36-mut tunngatillugu siunnersuutigineqarpoq, tjenestemanditut atorfik ukiuni killilinni atorfinitsitsisoqarsinnaaneranut apeqqummut Aningaasarsiaqartitsineq pillugu Sinnersuisoqatigiit oqaaseqaataannik piniartoqaqqissanngittoq. Suleriaatsimi atorfinitsitsisarnermi oqartussaasut aamma sammineqartumi isumaqatigiissutit apeqqummut illuinnaasiortumik aalajangiisarput.

Nr. 7-mut

§ 41, imm. 1, inunnut tjenestemandioriinngitsunut ukiuni killilinni atorfinitsitsisarnerup atorunnaarsinnerata kingunerisaanik atorunnaarsinneqarpoq. § 41, imm. 2, ukiup soraarfiususaatitaasut atorunnaarsinnerata kingunerisaanik atorunnaarsinneqarpoq. Matuma kingornagut § 41 taamaallaat tassaalerpoq siusinnerusukkut § 41, imm. 3.

Nr. 8-mut

Aalajangersakkami § 52-mut tunngatillugu, aallaqqaataanit Aningaasarsiaqartitsineq pillugu Sinnersuisoqatigiit inuttalersugaanerani ilaasortat 15-usut arfineq-pingasunut ikililerneqassasut siunnersuutigineqarpoq. Taassuma saniatigut siulittaasumut siulittaasullu tullianut ivertitsisoqartassanersoq pillugu siusinnerusukkut aalajangersagaq atorunnaarsinneqarpoq. Taarsiullugu Namminersornerulutik Oqartussat sinniisaat Aningaasarsiaqartitsineq pillugu Sinnersuisoqatigiit ataatsimiinneranni ingerlatitsisunngortinneqassaaq. Aammattaaq siusinnerusukkut immikkoortut tallimaasut paasiuminaatsut sisamanik nutaanik paasiuminarnerusunillu oqaasertalioqqinneqassapput.

Nr. 9-mut

§ 53-mi manna tikillugu Aningaasarsiaqartitsineq pillugu Sinnersuisoqatigiinnut attaveqartumik ulluinnarni aqutsisunik pilersitsinissamut malittarisassat atorunnaarsinneqarput, suliassani oqaaseqaateqarfiusussani annikillisoqarnera pissutigalugu ataatsimiititaliaq pisariaarummat.

Nr. 10-mut

Aalajangersakkami § 58, imm. 4 aamma 5-mut tunngatillugu, tjenestemandit akissarsiaqarlutik/-akissarsiaqarnatik qanoq sulinngiffeqartitaasinnaassanersut apeqqummut Aningaasarsiaqartitsineq pillugu Sinnersuisoqatigiit oqaaseqaataannik piniartoqaqqissanngittoq siunnersuutigineqarpoq. Suleriaatsimi atorfinitsitsisarnermi oqartussaasut aamma sammineqartumi isumaqatigiissutit apeqqummut illuinnaasiortumik aalajangiisarput.

Aningaasaqarnikkut allaffissornikkullu kingunerisinnaasai
Aningaasaqarnikkut kinguneqartussaannngilaq.

Qullersaqarfiup Oqaaseqaataa

Allaffeqarfiup naliliinera

65-inik ukioqalerfimmi soraartussaataanerup atorunnaarsinneqarnissaa (tak. matuma siuliani nr. 4)

Immikkoortortaq naliliivoq, inatsissatut siunnersuutikkut tjestemandit 65-inik ukioqalerfimmi soraartussaataanerup atorunnaarsinneqarnissaanik siunnersuut siunnersuutini annertunersaasoq. Immikkoortortaq naliliivoq, tamatumani tulluartaussasoq, taama nalinginnaasumik tjestemandit 65-nik ukioqalernermi soraartussaataanerisa atorunnaarsinnissaa, taamaalilluni sulisut pikkorissut pisariaqartinneqartullu inuiaqatigiit toqqissisimasumik siunissami ingerlanissaannik qulakkerinnit-toqassammat.

Aningaasarsiaqartitsineq pillugu Siunnersuisoqatigiit (tak. matuma siuliani nr. 1, 2, 3, 6, 8, 9 aamma 10)

Aningaasarsiaqartitsineq pillugu Siunnersuisoqatigiit tjestemandit akissarsiaat atorfinitsitaanerinilu atugassarititaasutigit Naalakkersuisunut atorfinitsitsisussanullu siunnersuisuuneq suliassarivaat. Immikkortortaq naliliivoq, siunnersuisoqatigiinni ilaasortat amerlassusiisa pinnaatitaaffiisalu annikillisinneqarnissaat tulluartaussoq. Siunissami tjestemandinut atugassarititaasut aqqutigalugit atorfillit ikiliartuinnartussaapput, tassa Naalakkersuisut aalajangernikummasuk, siunissami tjestemandinut atugassarititaasut aqqutigalugit atorfinitsitisarnerit atorunnaassasut. Tamatumani aamma ilapittuutaalluni, kommunit kommuninik aaqqissusseqqinnerup kingorna sulisoqarnermut tunngasutigit inatsisinik ilisimasaqarneri annertusitinneqassammata, taamaattumillu aningaasarsiaqartitsineq pillugu siunnersuisoqarnermik pisariaqartitsineq annikitsuinnaalissalluni.

Tjestemandiorinngitsunik ukiunut aalajangersimsunut atorfinitsitsisinnaanerup atorunnaarsinneqarnissaa (tak. matuma siuliani nr. 5)

Immikkoortortaq naliliivoq, inatsit teknikkikkut aaqqinneqaannartoq, tassami ukiunut aalajangersimasunut atorfinitsitsisinnaaneq taamalu ukiuni aalajangersimasuni tapeqartitsisinnaaneq, sulisut peqatigiiffiit pineqatunut isumaqatigiissutigit periarfissaqartitsereersoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap apríilip 16-ani 2009-mi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigissavaa, tjestemandit pillugit Inatsisissatut allannguutissatut siunnersuutip taperserlugu innersuussutigineqassasoq.

Aajangiineq

Innersuussutigineqartoq akuersissutigineqarpoq.

Ilanngussaq

5. Tjestemandit pillugit inatsimmut allannguutissatut siunnersuut

Imm. 21 Sisimiut Kommunianut kukkurersiuisut nalunaarutaat nr. 69

Journalnr. 06.04.01

Tunuliaqutaq

2008-mi novembarip 27-anit decembarip sisamaata tungaanut kukkurersiuisut tikeraarnerminnut atatillugu nalunaarusiartik nr. 69, kommunit kukkurersiuisuisa allakkatigut 2009-mi januaarip 20-aneersutigut nassiuppaat.

Maleruagassatigut tunngavissat

Aqutsinermi inatsisip § 48-ani imm. 5 naapertorlugu kukkurersiuisut oqaaseqaataannik kommunalbestyrelsi akissuteqartussaataavoq, aalajangiisoqareertillugulu akissuteqaat Nakkutilliisoqarfimmut nassiuttussaataallugu.

Kukkurersiuisut oqaaseqaataat

Kukkurersiuisut tulluuttumi eqikkarneqarsimasunik ima oqaaseqaatissaparput:

Akissarsianut atatillugu Kukkurersiuisut paasivaat, suliani pingasuni kukkusumik annertuallaanillu (130.000-225.000 kr.-it akornanni) aningaasanik Sisimiut Kommuneani pisortanut tunniussisoqarsimasoq.

1. Suliami siullermi pineqartoq ingerlatsivinni pisortanut Namminersornerullutik Oqartussat DJØF-illu akornanni isumaqatigiissutaat naapertorlugu akissarsiaqartinneqartumi, 2006-imi decembarip qaammataani akissarsiatigut iluarsisuteqartoqarmat tapit kukkusut tunniunneqarsimapput. Kukkuneq taanna 2005-imi apriliip aallaqqaataanit iluarsisutiginneqarsimammat, kukkusumillu tapisiaqartitsineq 2007-imi 2008-milu ingerlatiinnarneqarsimammat, kukkusumik tapisiaqartitsineq ikitsuinnaanngitsunik aningaasartaqarpoq. Kukkuneq tamanna aamma pensionisiassat il.il. naatsorsorneqarnerigut sunniuteqarpoq. Kukkurersiuisut maluginiaqqaat, annertunaarlugu tunniunneqarsimasut utertinneqarsimasut.
2. Suliami tullermi pineqartoq ingerlatsivinni pisortanut Namminersornerullutik Oqartussat DJØF-illu akornanni isumaqatigiissutaat naapertorlugu atorfeqartup atorfiata allanngortinneqarneranut atatillugu qaangiuttooratarsinnaanermut tapii immikkut tapit allanngortinneqarsimavoq. 2006-imi decembarip qaammataani akissarsiatigut iluarsisuteqartoqarmat, naak immikkut tapisiat tunniunneqartalereersimagaluartut qaangiuttooratarsinnaanermut tapisiat kukkusumik unitsinneqarsimanngillat. Pineqartup ulloq taanna atorfininnera aallaavigalugu iluarsisuteqartoqarmat, kukkusumillu tunniussisarneq 2007-imi 2008-milu ingerlatiinnarneqarsimammat, kukkusumik tunniussisarsimaneq annikitsuinnaanngilaq.
3. Suliap pingajuani pineqartup tapisiaqarnissaanut isumaqatiginninniat isumaqatigiissinnaanngimata kommunalbestyrelsip aalajangersimavaa, pineqartup ulloq atorfiniffianit 2008-mi decembarip naanerata tungaanut kingumoortumik qaammammut tapisitinneqassasoq. Kukkurersiuisut paasivaat, Namminersornerullutik Oqartussat Teknisk Landsforbund-illu akornanni isumaqatigiissutit naapertorlugit taamatut tapisiaqartitsinissamut tunngavissaqanngitsoq. Kukkurersiuisut isumaqarput, isumaqatigiissutitigut tunngavissaqartigani akissarsiatigut tapisiaqartitsinissamik kommunalbestyrelsi aalajangiinissaminut inatsisitigut tunngavissaqanngitsoq.

Sanaartornermut tunngasutigut kukkurersiuisut paasivaat, Kukkurersuineq naapertorlugu suliani pingasuni sanaartornermi naatsorsuutit kukkusumik nalunaarsuisoqarsimasoq.

1. Namminersornerullutik Oqartussat kuuffissuaataannik nutarterinermut atatillugu suliami siullermi (konto 72-41) 475.000 kr.-it isertitatut naatsorsuutitut ikkunneqarsimapput, kukkunersiuusut naapertorlugit sanaartornermi naatsorsuutitut taakkununga attuumassuteqanngitsut.
2. Nutaaliorfimmi sanaartornermut aningaasaliissutini (konto 73-01) 8.105.000 koruunit naatsorsuutitut ikkunneqarsimapput, kukkunersiuusut naapertorlugit 7.260.000 koruuninik annertussuseqartussaavoq.
Assigiinngissutaa takornariaqarnermut allaffimmut 300.000 koruuninik aningaasaliisimanermut aammalu 545.000 koruuninik nassuiaaserneqanngitsunik aningaasaliinermut tunngasuvoq.
Kukkunersiuusut paasivaat sanaartornermut naatsorsuutit 7.097.142 koruuninik annertussuseqartut.
3. Akiani aggornermi A 18.3-mi nunagissaanermut atatillugu suliami sanaartornermut naatsorsuutini 12.192.000 koruunit ikkunneqarsimapput, kisianni Kukkunersiuusut malillugit 22.192.000 koruuninik annertussuseqarpoq.
Sanaartornermut naatsorsuutit 9.291.906 koruuninik aningaasartuuteqarsimasut takutitsipput, kisianni kukkunersiuusut malillugit 9.882.426 koruuninik annertussuseqassaaq.

Kukkunersiuusut inassutigaa, siunissami sanaartornermut naatsorsuutit suliarineqartassasut sanaartornermut naatsorsuutit ataasiakkaat attuumassutaannut atatillugu suliarineqartassasut.

Kukkunersiuusut inassutigaa, sanaartornermut naatsorsuutit suliarineqartillugit annertunerusumik mianersortoqartassasooq.

Akilaraarutitigut pissarsiassat eqqarsaatigalugit Kukkunersiuusut paasivaat, Namminersornerullutik Oqartussanik isumaqatigiissutip kingunerigaa, akilaraarutitigut pissarsiassat aamma akilaraarutit erniaannit pissarsiassat kiisalu gebyret kommunip oqimaaqatigiisitsinerani pisassatut allassimasarunnaassasut.

Tamanna ajornaatsumik iluarsineqarsinnaavoq, pisassatut nalunaarsorneqarsimasut nammineq aningaasaatigisaniit ilanngaattissanngorlugit nalimmassartarnerisigut.

2008-mut naatsorsuutit naammassineqannginnerini killiffiit sinneruttut nalimmassarneqassasut inassutigineqarpoq.

Qitiusumik akiliisitsiniartarfimmiit pisassat eqqarsaatigalugit Kukkunersiuusut paasivaat, Namminersornerullutik Oqartussanik isumaqatigiissutip kingunerigaa, pisassat akilerneqartussat Akileraartarnermut aqutsisoqarfimmit qitiusumit akilersinniarneqartussanngorlugit nuunneqassasut.

Kommuni nuutsinernik siullernik 2008-mi maajimiit juunimut ingerlatsivoq, kisianni taassuma ”pingaarnertut nuutsinerup” kingorna kommuni nuutsinikuunngilaq, taamaattumik 2008-mi juumiit decembarimut akiitsorilersimasanut qitiusumik akiliisitsiniartoqarnikuunngilaq.

**Kommunalbestyrelsip apríilip 29-ani 2009-mi ileqquusumik ataatsimiinnerata 02/2009-p
imaqarniliornera**

Qitiusumik akiliisitsiniartarfiup 2008-mi decembarip 3-ani nalunaarutigaa, akiligassanik nuutsitsi-sinnaanermut maanna qarasaasianik pilersuisoq attaviliisimasoq. Ilutigitillugu inassutigineqarpoq, akiligassat suli nuunneqanngitsut, kommunit kattussuutsinneqarnerat eqqarsaatigalugu piaartumik kingusinnerpaamillu 2008-mi decembarip 31-anni nuutsitsisoqassasoq.

Nalunaarut nr. 69-imut akissuteqaat

- Akissarsianut oqaaseqaat ima akissuteqarfigineqassasoq siunnersuutigineqassaaq:

Suliami siullermi pineqartup akissarsitinneqarpallaarsimanini utertillugu akiliuteqarnikuuvoq, taamaattumik suliaq naammassisimasutut isigisariaqarpoq.

Suliap aappaani pineqartup akissarsitinneqarpallaasimanerminut utertitsilluni akiliuteqarususimangilaq. Allaffeqarfik isumaqarpoq, aningaasat utertillugit akiliutigineqassasut, taamaattumik kommunip eqqartuussisuserisua suliamut ilanngunneqarpoq.

Suliat pingajuanni kommunalbestyrelsip 2008-mi apríilip 30-ani ataatsimiinnermi immikkut aningaasaliissut akuersissutigini kuuvaa. Taamaattorli aalajangiunneqarpoq, immikut akuersissut 2008 naaneranuinnaq atuutissasoq. Taamaalilluni immikkut akuersissut 2008 naanerani atorunnaarpoq. Immikkut akuersissummut kommunalbestyrelsi immikkuullarissumik isummernikummat, utertinneqarnissaa piunnaqatigineqarsinnaanngilaq.

Pisortat akissarsiaat pillugit Kukkunersuisut misissuisassasut kommunip allaffeqarfiata qinnuigissavaa, taamaalilluni siunissami kukkuniusinnaasut piaarnerusumik paasineqartarniassammata. Aammattaaq pisortasut akissarsiaannik nuutsitsisoqartillugu akissarsianillu nalimmassaasoqartillugu, tamakkuninnga ilisimasalinnik kommunip allaffeqarfia ikiortissarsiortassaaq.

- Sanaartornernut oqaaseqaat ima akissuteqarfigineqassasoq siunnersuutigineqassaaq:

Suliami Namminersornerullutik Oqartussat kuuffissuaatiminnik iluarsartuussinerat 1 (konto 72-41) kuuffissuarnik iluarsartuussineranut Namminersornerullutik Oqartussat utertitassaat periutsinik assigiinngitsunik marlunnik pisimavoq. Sanaartukkanut ataasiakkaanut aningaasaliissutit immikkuullarissunngorlugit 2004-mi nalunaarutigineqarput, 2005-09-milu aningaasaliissutit ataatsimut aningaasaliissutaasartunut ilaallutik taamaattumillu sanaartugassani suliani immikkut naatsorsuutigineqassanatik.

Taamaattorli 2005-imut utertitassat aatsaat 2005-imi decembarip 20-ani kommunip allagaqarneratigut akilerneqassasut qinnutigineqarpoq. Taamaalilluni isertitat 475.000 koruunit kuuffissuit iluarsartuunneqarnerannut tunngasuuvoq aammalu sanaartornermut naatsorsuutini eqqortumik ikkunneqarsimavoq.

Suliami nutaaliorfimmu (konto 73-01) tunngasumi takornariaqarnermut allaffimmut 300.000 koruunit aningaasaliissutaapput taakkunungalu tunngasut immikkut aningaasaliissutit 545.000 koruunit kukkunikkut ilanngunneqarsimapput. Assigisaanillu sanaartornermut naatsorsuutini takornariaqarnermut allaffimmut tunngatillugu 340.357,19 koruunit ilanngunneqarsimapput aammattarlu sanaartornermut naatsorsuutit suliarineqareernerisa kingorna Ruujorilerisunut aningaasartuutit 216.357,07 koruunit nuunneqarsimapput. Taamaalilluni sanaartornermut aningaasartuutit 7.097.142 koruuninik annertussuseqalerlutik, tassaappullu kukkunersuisut tikkuagaat.

Suliami Akiani aggornermi A 18.3 (konto 77-01) aningaasaliissutaasuniit 10.000.000 mio. koruunit Akiani aggornermut 20-mut (konto 77-02) missingersuutitigut nuutsinneqarsimapput.

Ukiunut 2002-miit 2004-mut aningaasartuutiivit 571.725 koruuninik annertussuseqartut Niras aamma Sanati A/S pilersaarusiorderinut tunngasut kukkunikkut sanaartornermut naatsorsuutitut ikkunneqanngitsoorsimapput. Nunagissaanermut kontop iluarsaanneranut atatillugu kukkuneq pilersimavoq, taamaalillutik pilersaarutit ataasiakkaat siunissami nammineq naatsorsuuteqarlutik nuutsitsisassallutik. Tamatumaa sunniutigaa, sukkulluunniit nunagissaanermut akileeqaataassutit namminerminnut eqqortumillu naatsorneqarsinnaanngorlugit. Sanaartornermi innaallagiaqarnermut aamma nunamik suliaqarnermut tunngasut aningaasartuutit 18.795 koruunit sanaartornermi naatsorsuutit naammassinneqareernerisa kingorna nuunneqarnikuupput, kisianni kontoqarfimmuut ikkunneqassallutik. Ingerlatsiviup misissuereernerata kingorna nalilerneqarpoq kisitsit eqqortoq tassaassasoq 17.430 koruunit.

- Akileraarutitigut pisassanut oqaaseqaat ima akissuteqarfigineqassasoq siunnersuutigineqassaaq:

2008-mut naatsorsuutit naalerneranni Aningaasaqarnermut immikkoortortaqaqarfiup akileraarutitigut pisassatut ikkussorneqarsimasut nalimassarnikuuvai, taamaalillutik 2008 naalernerani kommunip oqimaatigisitsinerani ersitsikkunnaarlugit.

- Qitiusumik akiliisitsiniartarfimmiit pisassat oqaaseqaat ima akissuteqarfigineqassasoq siunnersuutigineqassaaq:

2008-mi pisassat Aningaasaqarnermut immikkoortortap qitiusumik akiliisitsiniartarfimmiit akilersinnigassanngorlugit nuunnikuuvai, kisianni qarasaasiatigut aqqiimissamik ajornartorsiuteqartuarneq pissutigalugu, akiliisitsiniarnerit taakku aatsaat 2009 aallartinnerani ingerlanneqarput. Allaffeqarfiup naatsorsuutigivaa, Winformatik atulerneratigut 2009 ingerlanerani ajornartorsiut qaangerneqassasoq.

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap april 16-nd 2009-nd mi ataatsimiinnermini suliaq suliarivaa. Kommunimi pisortaaneq suliaq suliarineqarneri peqataanngilaq suliamut attuumassuteqarnini pequtigalugu.

Innersuussut

Akissuteqaatissatut siunnersuutit saqqummiunneqartut Kommunilbestyrelsimiit akuereqqullugit aningaasaqarnermut ataatsimiititaliap innersuussutigissavaa.

Aalajangiineq

Innersuussutigineqartoq akuersissutigineqarpoq.

Ilanngussaq

1. Kukkunersuisut nalunaarutaat nr. 69

Imm. 22 Maniitsup Kommunianut kukkunersuisut nalunaarutaat nr. 60

Journalnr. 06.04.01

Tunuliaqutaq

2008-mi novembarip 20-anit 26-at tikillugu kukkunersuisut tikeraarnerminnut atatillugu nalunaaru-siartik nr. 60, kommunit kukkunersuisuisa allakkatigut 2009-mi januaarip 20-aneersutigut nassiup-paat.

Maleruagassatigut tunngavissat

Aqutsinermi inatsisip § 48-ani imm. 5 naapertorlugu kukkunersuisut oqaaseqaataannik kommunal-bestyrelsi akissuteqartussaataavoq, aalajangiisoqareertillugulu akissuteqaat Nakkutilliisoqarfimmut nassiuttussaataallugu.

Kukkunersuisut oqaaseqaataat

Kukkunersuisut tulliuttumi eqikkarneqarsimasunik ima oqaaseqaatissaqarput:

Akilaraarutitigut akiligassat isumakkeerinnissutigineqartarnerinut atatillugu kukkunersuisut paasi-vaat, akilaraarutitigut akiligassanut suliat marluk 3,1 mio. kr.-it nalinginut isumakkeerinnissutigine-qarsimasut, taakkunangalu Nunatta karsianit 1,1 mio. kr.-it akiligassat suli utertinneqarsimanngitsut. Kukkunersuisut innersuussutigat, Nunatta karsianit akilerneqartussat piaartumik utertinneqassasut.

Isumaginninnermi tunngasutigut pisortat nakkutilliinissaannut atatillugu kukkunersuisut paasivaat, isumaginninnermi ingerlatsivimmi pisortat nakkutilliinissaannik malittarisassiortoqarsimanngitsoq. Kukkunersuisut innersuussutigat, ilaatigut misissuinikkut malinnaanikkut sulianullu nakkutigine-qartussatut toqqarneqarsimasunut nalunaarsuisoqartarnerisigut pisortat nakkutilliinissaannik atuuti-lersitsisoqassasoq.

Kukkunersuisut isumaqarput, nakkutilliinissamik malittarisassaqaarnikkut suliat pitsaanagerusumik sularineqarsinnaalissasut – tassuunakkullu suliatigut aningaasanillu tunniussisarnikkut kukkunerigit aamma annikillisinneqarlutik.

Nalunaarut nr. 60-imut akissuteqaat

- Siunnersuutigineqassaaq, akilaraarutitigut akiligassanik isumakkeerinnissuteqartarnermut oqaase-qaat ima akissuteqarfigineqassasoq:

Akilaraarutitigut akiligassanik isumakkeerinnissuteqarnermut Nunatta karsianit 1,1 mio. kr.-it akili-gassat aningaasaqarnermut ingerlatsiviup utertinniarlugit suliaq aallartereerpa, taakkuli 2009-mut naatsorsuutitut aatsaat ikkunneqassapput.

- Siunnersuutigineqassaaq, isumaginninnermi tunngasutigut pisortat nakkutilliinissaannut oqaase-qaammut ima akissuteqarfigineqassasoq:

Eqitsisunik atuinani sulianut atatillugu isumaginninnermi ingerlatsivik ataavartumik nakkutilliisarpoq. Tamanna sullissisut suliaminnik ingerlatitseqqinnissaminnut ikiortissarsiorlutik pisortaminnut saaffiginnissuteqartarnerisigut pisarpoq. Tamatuma saniatigut sapaatip akunnikkuutaartumik sulisut ataatsimiisineqartalernikuupput, tassanilu sullissisut suliatigut unittoorutigisimasatik oqallisigineqartussanngorlugit qaqilertarpaat. Ataatsimiinnerni taakkunani kikkut tamat sulianik suliarinnittarnermik ilisimasaqalersikkumallugit peqqussutit assigisaallu eqqartorneqarnerisigut "sullisseriaatsit" assigiinngitsut "iltsersuutigineqartarput".

Kommunet kattunneqarnerinut atatillugu siunissami suliat suliarineqartarnerat nakkutigineqartarnerallu ajornaatsunngortillugit pisinnaatitaaffinnut pilersaarut suleriaaserlu ataatsimoortunngortinneqassapput. Tassunga atatillugu sulianut malinnaaniarluni immersugassamik kommunimi tamani atorneqartussamik Qeqqata Kommuniani ilaqutariinnermut immikkoortortap atuutsitsilernissaa naatsorsuutigineqarpoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aprilip 16-ani 2009-mi ataatsimiinnermini suliaq suliarivaa.

Innersuussut

Akissuteqaatissatut siunnersuutit saqqummiunneqartut Kommunalbestyrelsimi akuereqqullugit aningaasaqarnermut ataatsimiititaliap innersuussutigissavaa.

Aalajangiineq

Innersuussutigineqartoq akuersissutigineqarpoq.

Ilanngussaq

1. Kukkunersiuisut nalunaarutaat nr. 60

**Imm. 23 Sanaqateqarluni illuliornissamut nammineq akiliutissamut attartornissamut
periutsumik aalajangiineq**

Journalnr. 06.15.12

Tunuliaqutaq

Illorput 2000 type 2 80 m²-tut annertutigisumut sanaqateqarluni illuliornissamut nammineq akiliutissamut attartorniarnermik qinnuteqaammik 2009-mi februaarip 27-ani Qeqqata Kommunua tigusaqarnikuuvoq. Suliaq aningaasaqarnermut ataatsimiititaliamit akuerisassanngorlugu 2009-mi marsip 10-ani saqqummiunneqarpoq, tamatumani aalajangiunneqarluni suliaq misissoqqissaarneqassasoq.

Maleruagassatigut tunngavissaq

2008-mi januaarip aallaqqaataa aallarnerfigalugu nammineq illuliortarnermut taarsiullugu allatut ittumik aaqqiinermik nutaamik atuutilersitsisoqarpoq, sanaqateqarluni illuliortarnermik taallugu aningaasaleriaasitalerlugu. Sanaqateqarluni illuliortarnermik aaqqiineq aqputigalugu illuliornissamik qinnuteqassagaanni, qinnuteqartup piumasaqaatit tullinnguuttut naammassisimassavai:

- sanaqateqarluni illuliornissami sanaartornissamut sanaartornermut ilinniarsimasumik ikiorneqarnermik isumaqatigiissuteqarsimanissaq
- Ukiuni kingullerni tallimani inuutissarsuteqarsimanissaq, namminerlu sanaartorsinnaasariaqarneq
- Illup sanaartornerani suliamut ilisimasalimmik ikiorteqarnissaq
- Nunatsinni najugaqavissutut inuit allattorsimaffianni nalunaarsimaneissaq

Inoqutigiit isertitaat agguaqatigiisillugu tamakkiisumik 0-450.000 koruuninik annertussuseqassaaq. Qinnuteqartup inoqutigiinni isertitaat agguaqatigiisillugu 0-imiit 180.000 koruunit akornanni annertussuseqarpat, sanaartornermi aningaasartuutiniit tamakkiisuniit nammineq akiliutissaq 5 procentimik annertussuseqassaaq. Isertitat annertusiartortillugit nammineq akiliutissaq annertusiar-tussaaq. Inoqutigiit isertitaat 450.000 koruuninik imaluunniit annertuneruppata nammineq 100 procentimik akiliisoqassaaq.

Pissutsit atuuttut

Siusinnerusukkut nunaqarfinni avinngarusimasunilu nammineq illulianik illuliornissaq kisimi periarfissaasimavoq, kisianni sanaqateqarluni illuliornissamik aaqqiinermik nutaamik Nunatsinni najugaqarfinni tamani illuliornissamut qinnuteqartoqarsinnaanngorpoq. Pineqartumi inatsisitigut toqqammavissaqanngilaq, kisiannili Nakkutilliisoqarfiup novembarip 4-ni 1998-imi allakkatigut kommunit tamaasa nalunaarfigivaat, oktobarip 16-ini 1998-imi ataatsimiinnerminni taama attartor-nissamik qinnuteqartarnek suliarisimallugu, Nakkutilliisoqarfiullu inerniliutigalugu isumaqarpoq, taama attartortitsisinnaaneq atuuttussatut ileqquliutaannanngorsimasoq.

Nakkutilliisoqarfiup allakkamini paasissutissiisutigivaa, tamatuma inatsisiliuunnissaat Naalakker-suisunut taperserlugu innersuussutiginiarlugu, inatsisiliuunnissaatali tungaanut kommunit ileqquli-ussap iluani nammineerluni illuliortarnermi aallaqqaasiutissanut attartortitsisinnaasut.

Kommunittoqani marluusuni (Sisimiut Maniitsorlu) ileqquusimavoq, nunaqarfinniit qinnuteqartut nammineq illuliornermut aaqqissuussineq naapertorlugu nammineq akiliutissaannut attartortitsisarneq. Kommunitoqqat marluusut imaluunniit Qeqqata Kommunia sanaqateqarluni illuliornermut aaqqissuussinermi nutaajusup ataani nammineq akiliuteqarnissamut qinnuteqaatinik suliaqarnikuunnigillat, taamaattumik taamatut neriorsuuteqarnissamut inatsisitigut tunngavissamik imaluunniit issuagassamik peqartoqanngilaq.

Aningaasaqarnikkut allaffissornikkullu kingunerisinnaasai

Sanaqateqarluni illuliornermut aaqqiineq isumaqarpoq, nammineq akiliutissamut attartornissamut qummut killiliussamik aalajangersaasoqarsinnaanngitsoq. Sanaqateqarluni illuliornermik aaqqissuussaneq illoqarfinnut nunaqarfinnullu atuummat, aningaasaqarnikkut kingunerisinnaasai paasineqarsinnaassanngillat. Sanaqateqarluni illuliornermut nammineq akiliutissamut attartortitsisarnissaq eqqunneqarpat, naleqqutissanngilaq inuiaqatigiissutsikkut uingasoqalissaaq. Taamaaliornikkut qinnuteqartut annertuumik isertitaqartartut annertoorujussuarmik attartorsinnaanngussapput.

Allaffeqarfiup naliliinera

Allaffeqarfik naliliivoq, sanaqateqarluni illuliornermut nammineq akiliutissamut attartortitsissallu Qeqqata Kommunia inatsisitigut tunngavissaqanngitsoq.

Allaffeqarfiup innersuussutaa

Ataatsimiititaliamut akuereqqullugu innersuussutigineqassaaq illulioqataanermut aaqqiinermut atatillugu nammineq akiliutissamut attartortitsisoqartannginnissaanik periutsimik aalajangiisoqassasoq, taakkuninnga attartortitsinissaminut kommuni inatsisitigut tunngavissaqanngimmat issuagassaqanngimmalluunniit aningaasaqarnermut.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap apriliip 16-ani 2009-mi ataatsimiinnermini allaffeqarfiup innersuussutaa akuersissutigivaa.

Innersuussut

Aningaasaqarnermut ataatsimiititaliap aalajangiinera kommunalbestyrelsimut akuereqqullugu innersuussutigineqarpoq.

Aalajangiineq

Innersuussutigineqartoq taasinikkut akuersissugineqarpoq, suliassarlu KANUKOKA peqatigalugu KANUNUPE taperserpeqassasoq aalajangiunneqarpoq.

Akuersisut: 13

Taaseqataanngitsut: 1 (Godmand Rasmussen)

Akerliusut: 0

Ilanngussaq

Ilanngussaqanngilaq

**Imm. 24 Ilaqutariinnermut immikkoortortamiit Suliffissaqartitsiniarnermi allaffimmut/
Ilinniartitaanermut immikkoortortamut konto 38.02-mik nuussineq**

Journalnr. 06.00

Tunuliaqutaq

Kommunip siunissami aaqqissuussaansaa pillugu Aningaasaqarnermut ataatsimiititaliap oktobarip 17-iani 2008-mi aalajangiineratigut, konto 38.02 Ilinniartitaanermut immikkoortortamit Ilaqutariinnermi immikkoortortamut nuussinerup qanoq kinguneqarsinnaaneranik misissuisussamik, Ilaqutariinnermut immikkoortortami Ilinniartitaanermullu immikkoortortami decembarimi 2008-mi suleqatigiisitaliortoqarpoq.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 14, 5. december 2008-mersaq aamma Suliffeqanngikkallarnermi ikiorsiissutit pillugit Inatsisartut peqqussutaat nr. 5, 1. juni 2006-imeersaq.

Pissutsit atuuttut

Suleqatigiisitami peqataasut

Hans Henrik Olsen, Pisortaq

Konny Olesen, Sisimiuni Ilaqutariinnermut pisortaq

Kesia Rasmussen, Maniitsumi Ilaqutariinnermut pisortaq

Ulla Broberg, Sisimiuni Piereersarfimmi pisortaq

Kunuunnguaq Olsen, Maniitsumi Piereersarfimmi pisortaq

Grethe Efraimsen, Maniitsumi suliffissaqartitsiniarnermi allaffik

Bodil Kristensen, Maniitsumi suliffissaqartitsiniarnermi allaffik

Konto 38.02-mi pineqarlutik suliffeqanngikkallartunut ikiorsiissutit, suliffissaqartitsiniarnermi ilitsersuisarneq kiisalu suliffissarsiortunut iliuusissatut pilersaarusiortarneq.

Suliffissaqartitsiniarnermi inatsimmi siullertut peqqussutigineqarpoq, innuttaasooq suliffissarsiortoq ataasiinnarmut saaffiginnissasoq. Suliffissaqartitsiniarnermi allaffimmiit Ilaqutariinnermi immikkoortortamut konto 38.02-mik nuussinikkut najoqqutamit tamatumangga Qeqqata Kommunianigoriartulissaaq, soorlu aamma tamanna Aningaasaqarnermut ataatsimiititaliap oktobarip 17-iani 2008-mi akuersissutigigaa. Innuttaasooq siunissami arlariinnut saaffiginnittalertariaqassaaq – sumiif-fiup aappaani suliffissaqanngikkallarnermi ikiorserneqarnissamut aappaanilu suliffissaqarniarnermi ilitsersorneqarnissamut. Tamatuma kingunerissavaa, maannakkutut kiffartuussisoqassappat, annertunerusumik ataqatigiissarisooqartarnissaa ingerlatsiviullu tungaaniit annertunerusumik iliuuseqartortarlernissaa. Tamatumalu saniatigut sullissineq sivitsortussaassaalluni.

Aningaasaqarnikkut allaffissornikkullu kingunerisinnaasai

Suliat aallaavigalugit suliffissaqartitsiniarnermi allaffiup Piereersarfiullu 2006-imi ataatsimoortinneqarnerat pingaarutilerujussuullunilu eqqortuliornerujussuuvoq. Ataatsimoortinneqarnerisigut pikkorissaanerme anguniagaqarnerulernissamik periarfissiivoq, ataqatigiisitsinikkullu isumalluutunik atorluaanerusoqarsinnaalerluni, tamannalu pisinnaalluni suliani tunngasuni suleqatigiit sullitallu qanimut ilisimasatigut avitseqatigiinnikkut eqqartueqatigiinnikkullu. Konto 38.02 Ilaqutariinnermut immikkoortortamut nuunneqarneratigut kingunerissavaa, periarfissat tamakku atorluarneqarnissaannut ajornakusuulerneru, sullitallu ulluinnarni qanimut attaviginngikkaanni ilisimatitsiniarnissaaq ajornakusoornerulissalluni.

Suliffissaqanngikkallarnermi ikiorsiissutit Piareersarfimmiit Ilaqutariinnermi immikkoortortamut nuunneqarneratigut, innuttaasut tunngaaniit isigalugu ajornartorsiortitsilerpoq, inuutissarsiorsinnaasut sulisariaqarnerat inuit qitiutimassuk, isumaginninnermilu ingerlatsiviup tunngaaniit pilersuinissaq qitiutinneqarluni. Nuussineq taamaalilluni suliffissarsortunut isumaginninnermi ingerlatsivimmut attuumassuteqarnerulernissaat qaninneersuannngussalluni, taamaattumillu isumaginninnermi sullitatut isigineqalissallutik. Taamaattumik konto 38.02-mik nuussisoqarneratigut, innuttaasoq pinnagu ingerlatsivilli qitiutinneqalissaaq. Aammattaaq innuttaasup tunngaaniit isigalugu ingerlatsiviup ataatsimut isiginnissinnaanini annaassavaa. Tamatuma saniatigut suliasat kikkunnit isumagineqas-sanersut nalornisoortitsisalissaaq.

Suliffissaqanngikkallartunut ikiorsiissutinik ilitersuinerullu Ilaqutariinnermut immikkoortortamut nuussinikkutaaq, 2006-imi inatsisiliosimanermi siunertamut akerliuvoq, soorlu suliat tunngavigalugit naleqqunnerpaamik siullertut iliuusissatut piumasaqaataasumi.

Sulianik nuussinikkutaaq, sulisunik aamma nuussisoqartariaqassaaq, suliffeqanngikkallartunut ikiorsiissutit, ilitersuisarneq kiisalu iliuusissatut pilersarusiorneq suliffissaqartisiniarnermi allaffimmi annertunerpaamik suliaasarneri pissutigalugit.

Allaffeqarfiup naliliinera

Suleqatigiisitap nalilerpaa, konto 38.02-mik nuussinerup naleqqutinngitsorpassuarnik kinguneqar-nissaa, inatsisiliornerullu siunertaanut naleqquttumillu sullissinissamut tamanna akerliuvoq.

Tamanna tunngavigalugu suleqatigiisitap innersuussutigissavaa, konto 38.02 suliffissaqartisiniarnermi allaffimmut utertinneqassasoq.

Konto 38.02 Ilaqutariinnermut immikkoortortamiitiinnarneqarnissaa Aningaasaqarnermut ataatsi-miititaliap aalajangiutissappagu, suleqatigiisitap kissaatigissavaa tamatuma tunngavilersorneqarnissaa.

Tamatuma saniatigut suleqatigiisitat kissaatigalugu erseqqissaatigissavaat, Ilaqutariinnermut immikkoortortamut Suliffissaqartitsiniarnermullu immikkoortortamut tunngasunik aqqissuussaa-nikkut aallajangiisoqannginnerani, oqaaseqarnissamut periarfissaqartinneqarnissamut.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap april 16-ani 2009-imi ataatsimiinnermini suliaq suliarivaa. Søren Alaufesen aamma Bitten Heilmann suliap suliarineqarneri peqataanngillat suliamut attuumas-suteqarnertik pequtigalugu.

Innersuussut

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa, konto 38.02 Suliffissaqartitsiniarnermi allaffimmut/Ilinniartitaanermi immikkoortortamut utertinneqassasoq, taamaalilluni Suliffissaqartitsiniarnermi allaffik Piareersarfillu immikkoortinne-qannginniassammata.

Aalajangiineq

Innersuussutiginartoq akuersissutigineqarpoq. Søren Alaufesen, Atassut aamma Bitten Heilman, Atassut suliamut attuumassuteqarnertik pillugu peqataanngillat.

Ilanngussaq

1. Konto 38.02 pillugu suleqatigiisitap allakkiaa.

Imm. 25 Oqaluuserisassatut siunnersuut – Qeqqata Kommuniani meeqqat akornanni qanoq kaattoqartiginerata nassuiarneqarnissaa aningaasartuutissallu ilanngullugit iliuusissamik suliaqartoqarnissaa

Journalnr. 42.00

Tunuliaqutaq

Kommunalbestyrelsimut ilaasortap Palle Christiansenip marsip 5-ani 2009-mi e-mailikkut, Qeqqata Kommuniani meeqqat inuusuttullu 18-it inorlugit ukiullit akornanni qanoq kaattoqartiginerata nassuiarneqarnissaa Qeqqata Kommuniata piarnerpaamik isumagissaagaa tamatumalu kingorna ajornartorsiutip aaqqiiviginissaanut aningaasartuutissat ilanngullugit iliuusissamik suliaqartoqarnissaa pillugu siunnersuutini kommunalbestyrelsimi oqaluuserisassatut nassiuppaa.

Innersuussut

Kommunalbestyrelsimut akuereqqullugu innersuussutigineqassaaq, suliap oqallisigereerneratigut Ilaqutariinnut ataatsimiititaliamut ingerlateqqinneqassasoq.

Aalajangineq

Innersuussutigineqartoq akuersissutigineqarpoq, Ilaqutariinnut ataatsimiititaliamut suliaasaq suliaassiissutigineqassaaq.

Ilanngussaq

1. Palle Christiansenip marsip 5-ani 2009-mi e-mailerutaa

Imm. 26 Oqaluuserisassatut siunnersuut – Sisimiuni tuniniaaviup silaannarissarfilernissaa

Journalnr. 22.07

Tunuliaqutaq

Qeqqani Inuit Ataqtigiit sinnerlugit kommunalbestyrelsimut ilaasortap Katrine Larsen Lennertip marsip 26-ani 2009-mi e-mailikkut, Sisimiuni tuniniaaviup piaartumik silaannerissarfilerneqarnissaa pillugu siunnersuut kommunalbestyrelsimi oqaluuserisassatut nassiuppaa.

Pissutsit atuuttut

Teknikkimut Avatangiisinullu immikkoortortap paasissutissiissutigivaa, allanngortiterinermut atatillugu uparuarneqarmat, tunitsiviup initaani qilaava ussissarlugu milluaasulerlugu aqqinnissaa tulluartsuussasoq. Immaqali inuussutissarsiutit suliarineqartarnerinut ajornartorsiutaasinnaasoq, tassa neqit aalisakkallu ilitsivinniittut aalap kuserfigisinnaammagit. Aningaasaqarnikkut killissarititaasut pissutaallutik pilersaarusernerup aallartisimalernerani siunnersuut peerneqarnikuuvoq.

Teknik- avatangiisinullu immikkoortortaq naliliivoq, nutaamik qaliata iluarsinissaa pitsaasumik milluaasulerlugu 700.000-1.000.000 koruuninik naleqarsinnaasoq.

Innersuussut

Qeqqani Inuit Ataqtigiit 2010-mut missingersuusiornissamut atatillugu siunnersuutigissagaat kajumissaarneqassasoq, kommunalbestyrelsimut akuereqqullugu innersuussutigineqassaaq.

Aalajangiineq

Suliassaq Teknikkimut avatangiisinullu ataatsimiititaliamut misissugassanngortinneqassaaq.

Ilanngussaq

1. Katrine Larsen Lennertip marsip 26-ani 2009-mi e-mailerutaa

**Imm. 27 Oqaluuserisassatut siunnersuut – Sisimiut illoqarfianni aalisartut piniartullu pilat-
tarfissaannik pilersitsinissaq**

Journalnr. 22.07

Tunuliaqutaq

Qeqqani Inuit Ataqtigiit sinnerlugit kommunalbestyrelsimut ilaasortap Katrine Larsen Lennertip marsip 26-ani 2009-mi e-mailikkut, Sisimiut illoqarfianni aalisartut piniartullu isumasiorluarneratigut aalisartut piniartullu pilattarfissaannik pilersitsinissaq pillugu siunnersuut kommunalbestyrelsimi oqaluuserisassatut nassiuppa.

Pissutsit atuuttut

Teknikkimut Avatangiisinullu immikkoortortap apeqqut pillugu piniartut ataatsimeeqatiginikuuai.

Piniartut peqatigiiffiata isumaa naapertorlugu pilattarfik inissinnerlutaavoq, tassa silarluttarnera eqqarsaatigalugu, soorlu anorlertillugu pilattarfiup umiarsualiviullu akornanni mallerpallaartarmat. Illuatungaaticullu puttasumik pilattarfik piniartut siunnersuuteqarneratigut inissitaalluni asuliinnaangitsorlu kuuffissuit il.il. pissutigalugit aalisarfigeqqusaanngitsup avataanut inissitaalluni.

Kilisaatit talittarfiata kitaatungaaticugit illumik pilattarfiliinissaq, imilerlugu kuuffilerlugulu piniartunit siunnersuutaasimavoq.

Tamanna siunissami talittarfiup allinissaa eqqarsaatigalugu ajornartorsiummik pilersitsisussaavoq, taamatullu pilersaarutip annertussusiatigut aningaasaqarnikkut sunniuteqassalunittaaq, tassa anner-tuumik aningaasaliisoqartariaqassamat, avatangiisitigut piumasaqaatit sanaartornikkut ingerlatsi-nikkullu annertusussaallutik.

Piniartut siunnersuutaat alla tassaalluni amernik tunitsiviup (B-1055)-ip pilattarfittalerlugu avanna-mut allinissaa.

Tamatumani ajornartorsiut aamma taanaassaaq, sumiiffik siunertanut allatigut atorneqarnissaa pileregineqarmat, annertuumillu aningaasaliissuteqarnissaq naatsorsuutigisariaqarluni.

Piniartunit siunnersuutit oqallisigineqartut ataatsimoorutigivaat, pilersaarutit qanoq aningaasaler-sorneqarnissaat siunnersuutaanngimmat.

Pilersaarut kommunimit aningaasaliiffigineqassappat, taava sunngiffimmi pinialuttartut il.il. atuisinnaatinnegassappat, soorlu kalaalimineerniarfimmi taamaattoq.

Teknikkimut avatangiisinullu immikkoortortap maluginiaqqussavaa, pilannermut atatillugu taratsup atorneqarnissaa avatangiisinut tunngasutigut akuerineqassasoq naatsorsuutigineqarsinnaangimmat, tassa imaq tamatumaniittoq kuuffissuartigut mingutsitaasorujussuummat. Illu saliissutissamik imilerlugu pilersinneqassappat, tamatumani minnerpaamik fabrikkip kuuffissuanut atasumik kuuffissualiinissaq avatangiisinut oqartussat piumasarissagaat naatsorsuutigisariaqarpoq.

Teknikkimut avatangiisinullu immikkoortortap periarfissat pillugit piniartut suli oqaloqatiguarpai, ajornartorsiulli pillugu aningaasaqarnikkut pitsaasumik qanoq iliuuseqarfiginissaa ajornakusoor-tuulluni.

Innersuussut

Kommunalbestyrelsimut akuereqqullugu innersuussutigineqassaaq, suliaq tusaatissatut tiguneqassa-soq.

Aalangiineq

Innersuussutigineqartoq akuersissutigineqarpoq.

Ilanngussaq

1. Katrine Larsen Lennertip marsip 26-2009-mi e-mailerutaa

Imm. 28 Kommunalbestyrelsimi ilaasortat kommumilu sulisut pillugit apeqquteqaat

Journalnr. 01.01./03.00.10

Qeqqani Inuit Ataqtigiinnit Qeqqata Kommuniani atorfeqartut kommunalbestyrelsimilu ilaasortaasut ataatsimiigiarannamik ilanngaattittarnersut apeqqutigineqarpoq.

Akissarsialerivik Sisimiuniit ilaasortat Sisimiuneersut månedssedlemut allanneqarsimaneri malillu-gu ilanngaatsittartut nalunaarutigineqarpoq.

Akissarsialerivik Maniitsumiit nalunaarutigineqarpoq, arbejdsedlet immersornerini allaqqasoqartartoq ”borgerligt ombud” ullorlu suna, taamaalillutik sulisoq Maniitsumeersoq akissarsiaanit ilanngaanneqartartoq ilisimatitsissutigineqarpoq.

Allaffeqarfimmiit ilisimatitsissutigineqassaaq, siusinnerusukut Sisimiut Kommuneani sulisut kommunalbestyrelsimilu ilaasortaasut eqitsit ”borgerligt ombud” kommunalbestyresimi, ataatsimii-titaliami allatulluunniit kommunalbestyrelsimi ilaasortatut ataatsimiinnermi peqataasimatillutik immer-sortarmassuk. Eqitsit Qeqqata Kommuniani atorneqalissaaq, sulisullu kommunalbestyrelsimi ilaasor-taatisut apriiip 15-iani e-mail-ikkut nalunaarfigineqarput kommunalbestyrelsimut qinigaanertik peqqutigalugu ataatsimiigiarsimatillutik pinngitsooratik immersortagaq ”borgeligt ombud” immersortassagaat piumasaqaataasoq aamma feriarluni imaluunniit akissarsiaqaatigalugu sulin-ngikkaluaraanniluunniit immersorneqassasoq. Immersortagassaq ilanngunneqarpoq. Taamaalilluni siunissami kommunimi sulisut assigiimmik pineqassapput.

Aalajangiineq

Suleriuusissatut siunnersuut akuersissutigineqarpoq.

Ilanngussat

1. Katrine Larsen Lennert-ip Qeqqata Inuit Ataqtigiit sinnerlugit apeqquteqaataa ulloq 26. marts 2009.
2. Toqqakkatut suliaqarnermi immersugassaq

Imm. 29 Suliariumannittussarsiuussisarneq pillugu ataatsimiititaliamik pilersitsinissaq

Journalnr.

Tunuliaqutaq

Siusinnerusukkut Sisimiut Kommuneani suliariumannittussarsiuussisarneq pillugu ataatsimiititaliaqarnikuuvoq, ataatsimiititaliarlu borgmesterimit siulittaasutut, ataatsimiititaliat siulittaasui taamatullu partiit I.A., Atassut aamma Demokratit sinniisuinik inuttaqartinneqarluni, taakkulu suliassat sorliit namminersortunut neqerooruteqaatigineqartinneqassasut suullu suliariumannittussarsiuuneqarnersut misissortarpaat. Kommunilli kattussuunnerat salliutinneqarmat suliassaq naammassillugu suliarineqanngilaq.

Borgmesterip siunnersuutigaa Qeqqata Kommuniani suliariumannittussarsiuussisarneq pillugu ataatsimiititaliamik pilersitsisoqassasoq.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 14, 5. december 2008-meersup § 31, imm. 3-a, oqaasertaqartoq: ”*Aammattaaq kommunalbestyrelsi ataatsimiititalianik immikkut ittunik pilersitsisinnaavoq suliassat aalajangersimasut isumagineqarnissaannut imaluunniit kommunalbestyrelsimut, aningaasaqarnermut ataatsimiititaliamut imaluunniit ataatsimiititalianut ataavartunut siunnersuisartussanik. Kommunalbestyrelsip aalajangissavai ataatsimiititaliat immikkut ittut katitigaanissaat taakkulu sulinissaanni maleruagassat aalajangersassallugit.*”

Pissutsit atuuttut

Ullumikkut kommunini suliassarpassuaqarpoq, immaqa iluaqutaasumik namminersortut suliffeqarfiutaannit ingerlanneqarsinnaagaluanik. Soorlu eqqiaanerit, kantiinamik ingerlatsinerit, taquassalereq, illuutinik aserfallatsaaliineq, aputaajaaneq, entreprenøreqarneq il.il.

Allaffeqarfiup naliliinera

Allaffeqarfiup nalilerpaa, suliariumannittussarsiuussisarneq pillugu ataatsimiititaliamik pilersitsisoqartariaqaluartoq, taassumalu Qeqqata Kommuniani suliassat sorliit suliariumannittussarsiuuneqarnersut sorliillu suliariumannittussarsiuuneqassanersut sularissavai, tassa suliassatigut nukiiit pitsaanerpaamik akikinnerpaamillu atorneqarnissaat anguniarlugu.

Suliariumannittussarsiuussinermi ataatsimiititaliap tulliuttutut inuttaqartinneqarnissaa siunnersuutigineqarpoq, tassa borgmesteri siulittaasutut, Teknikkimut Avatangiisinullu ataatsimiititaliap siulittaasua, Inuutissarsiutinut Suliffissaqartitsiniarnermullu ataatsimiititaliap siulittaasua taamatullu partiit Atassut, Inuit Ataqtigiit aamma Demokratit sinniisui.

Innersuussut

Borgmesterip kommunalbestyrelsimut akuereqqullugu tulliuttut innersuussutigigai:

- Suliariumannittussarsiuussinermut ataatsimiititaliaq pilersinneqassasoq, suliat suut suliariumannittussarsiuuneqarnersut suullu suliariumannittussarsiuuneqassanersut suliassaralugu
- Ataatsimiititaliaq tulliuttutut inuttalernerqassasoq, tassa borgmesteri siulittaasutut, Teknikkimut Avatangiisinullu ataatsimiititaliap siulittaasua, Inuutissarsiutinut Suliffissaqartitsiniarnermullu ataatsimiititaliap siulittaasua taamatullu partiit Atassut, Inuit Ataqtigiit aamma Demokratit sinniisui.

Aalajangiineq

Innersuussutiginartut akuersissutigineqarput.

Inuit Ataqatigiit: Mimi Karlsen

Demokraatit: Palle Christiansen

Atassut: Søren Alaufesen

Ilanngussaq

Ilanngussaqanngilaq

Imm. 30 Tamalaat

Efrim Olsen: Allaffissornermi papiararsorneq qanoq ingerlanniarneqarnersoq apeqquteqaatigaa.

Borgmester: Misissuiffigissavarput.